

Գրադարան «Աշխատուոր»ի № 9

Պ. ԽՈՐԷՆԻ

ԵՐԲ ԵՒ ԻՆՉՊԷՍ ՊԷՏՔ Է
Լ Ի Ն Ի

ՍՈՑԻԱԼԻՍՏԱԿԱՆ

ՅԵՂԱՓՈՒԽՈՒԹԻՒՆԸ

ԹԻՖԼԻՍ

Տպարան «Աշխատուոր»

1918

ՀԱՅ ՅԵՂ. ԴԱՇՆԱԿՑՈՒԹԻՒՆ

Գրադարան «Աշխատանք»-ի № 9

329.14(47925)

Վ. ԽՈՐԷՆԻ
Խ - 82

ԵՐԲ ԵՒ ԻՆՉՊԷՍ ՊԷՏԲ Է
Լ՛ Ի Ն Ի

ՍՈՑԻԱԼԻՍՏԱԿԱՆ

ՅԵՂԱՓՈԽՈՒԹԻՒՆԸ

~~ՄԱՐՏ~~

ՔԱՐՏ



ԹԻՖԼԻՍ

Տպարան «Աշխատանք»

1917

Ա Ի
14394



ԵՐԲ ԵՒ ԻՆՉՊԷՍ ՊԷՏՔ Է

Լ Ի Ն Ի

ՍՈՑԻԱԼԻՍՏԱԿԱՆ

ՅԵՂԱՓՈԽՈՒԹԻՒՆ

Սոցիալիզմը և սոցիալիստական յեղա-
փոխութիւնը — ահա երկու լրացող ցիչ
իրարից անբաժանելի գաղափարներ:
Դրանք այնքան սիրտօրէն կառուած
են իրար հետ, որ մտածելով մէկի
մասին՝ ինքն իրեն մտածում ես և
միւսի մասին: Եթէ հետաքրքրական
է՝ թէ ինչ բան է «սոցիալիզմը»
նոյնքան հետաքրքրական է իմանալ
թէ և՛ բ և ինչպէս պէտք է լինի «սո-
ցիալիստական յեղափոխութիւնը» —
այն մեծ հասարակական յեղաշրջումը,
որ պէտք է իրականացնի սոցիալիստա-
կան հասարակակօրգը: Հետևաբար սո-
ցիալիզմով հետաքրքրւողն ու շահախըն-

դիր մարդը պէտք է աշխատէ շատ որոշակի պարզել, իր համար, սահմանել նաև սոցիալիստական կամ «սոցիալական» յեղաշրջման դադափարը:

Գաղափարի սահմանումը, ըմբռնողութիւնը որոշումը այս դէպքում ևս, և տւեալ դէպքում աւելի՛ քան սովորաբար, ոչ միայն լոկ տեսական, այլ և դերազանցօրէն գործնական արժէք ունի: Դա, այսպէս ասած, ոչ միայն «սկզբունք» յին», այլև «տաքտիքական» նշանակութիւն ունի: Եւ, որ գլխաւորն է, տեսականն ու գործնականը, սկզբունքայինն ու տաքտիքականը տւեալ խնդրում համարեա անբաժանելի են իրարից:

Եւ իրօք: Ինչպէս էք բաժանում իրարից սոցիալիզմն ու սոցալիստական յեղափոխութիւնը: Եթէ սոցիալիզմը մի նպատակաւոր յարատև շարժում, բարդ գործողութիւն (պրոցէսս) է, ապա ինչպէս բաժանել սոցիալիստական

չարժումը իր «վերջին» յեղաշրջման
գործողութիւնից: Եւ վերջապէս, շատ
հետաքրքրական է իմանալ, արդե՞ք,
սոցիալիզմը մի վերջին յեղաշրջումով
թէ աստիճանաբար պէտք է իրակա-
նանայ: Սոցիալիզմը հետզհետէ հասա-
րակական կեանքը կերպարանափո-
խող մի «ճարժումն» է՝ և թէ մի «վերջ-
նական» նպատակ, հասարակական
կեանքի մի որոշ իդէալական տիպար,
որ պէտք է մի «վերջնական» յանկար-
ծակի «յեղաշրջումով» իրականացւի:
Ուրեմն և սոցիալիստական յեղափո-
խութիւնը իբրև մի աստիճանական
բարեփոխութիւն՝ և թէ յանկարծակի
կերպարանափոխութիւն պէտք է հաս-
կանալ:

Սրանք շատ էական ու հետաքրք-
րական հարցեր են յեղափոխականի
ու սոցիալիստի համար: Այդ հարցե-
րի այսպէս կամ այնպէս ըմբռնելուց
է կախած սոցիալիստական կուսակ-

ցութիւնների ամբողջ սոցիալական քաղաքականութիւնը: Այստեղ է, որ մտածելակերպը ամբողջովին որոշում է գործելակերպը: Մարդիկ ինչպէս հասկանում են, այնպէս էլ գործում են: Այստեղ է, որ տեսականի սխալանքները կարող են միանգամայն ճակատագրական լինել գործնականի համար:

Մի բոլորէ ընդունենք, որ որոշ յեղափոխական կուսակցութիւն սխալ է շմբռնել՝ թէ ամբողջ սոցիալիստական (ուրեմն և առհասարակ սոցիալական) շարժման էութիւնը, դրա ներքին օրէնքները, շարժիչ ուժերը և թէ սոցիալիստական յեղափոխութեան երբ և ինչպէս կատարելու հանգամանքը: Ակնհերև է, թէ որպիսի սխալանքներ, որպիսի ճակատագրական վրիպումներ կարող է կատարել այդպիսի յեղափոխական կուսակցութիւնը: Նա կարող է տասնեակ տարիներսվ յե-

տաճգել կամ ծանր կորուստներով
վտանգել աշխատաւորութեան ազատա-
դրութեան գործը:

Մեզ համար անկասկածելի ճշմար-
տութիւն է ոչ միայն այն միտք՝ թէ
մարդիկ ինչպէս ապրում՝ այնպէս էլ
մտածում են, այլ և այն միտքը՝ թէ
ինչպէս մարդիկ մտածում—փիլիսո-
փայում՝ այնպէս էլ ապրում ու դոր-
ծում են: Մենք մեծ նշանակութիւն
ենք տալիս առհասարակ սոցիալական
և մասնաւորապէս սոցիալիստական
շարժման այս կամ այն ըմբռնողու-
թեան: Մենք համոզւած ենք, որ հա-
սարակական-քաղաքական կեանքում
գործօն յեղափոխական կազմակերպու-
թիւնների մտածելակերպը կարող է
վերին աստիճանի մասսակար լինել
սոցիալիստական շարժման համար:

Եւ ասորաբախտօքար մեր այս կաս-
կածանքները պատմական իրողու-
թիւններ են արդէն: Սոցիալիստա-

կան շարժման առաջմղիչ ուժերի և ներքին օրէնքների սխալ ու միակողմանի ըմբռնողութիւնը շատ բացառական ու կորստաբեր հետեանքներ է ունեցել աշխատաւոր դասակարգի համար:

Տարաբախտաբար սոցիալիզմի «գիտական» հիմնաւորման հէնց առաջին օրերից այդ շարժումը շեղակի և մասամբ ցնորական ընթացք է ընդունել շնորհիւ վարդապետների և առաջին առաքեալների միակողմանի և դաւանամուլ մտածողութեան:

ՄԱՐՔՍԻԶՄ ԵՒ ՍՈՑԻԱԼԻՍՏԱԿԱՆ
ՅԵՂԱՓՈԽՈՒԹԻՒՆ

«Մարքսիզմը», որ սոցիալիզմի գերիշխող ըմբռնումն է եղել՝ մի անօրինակ ու տարօրինակ «գիտական» ուղղափառութեամբ և հասարակական պատմական կեանքի թերի ըմբռնո-

դուժեամբ երկու «հակայեղափոխական» հետևանքներ է ունեցել. զործնականում դա կամ յարմարապաշտ կրաւորականութեան է վերածւել, կամ էլ՝ անիշխանական—ցնորապաշտ «յեղափոխականութեան»։ Ա.ու.աջնի տիպար օրինակն է վերման-անգլիական յարմարապաշտ սոցիալ-դեմոկրատիան, իսկ երկրորդի օրինակը—բոման-սլաւոնական սոցիալ-դեմոկրատիան։

Միևնոյն վարդապետութիւնից նոյն «դիալեքտիկական» մարքսիզմից են ծնւել այդ երկու հակօրոնեայ ու տարամերժ հոսանքները—Ռուսաստանում՝ մենշեիզմն ու բոլշևիզմը, Եւրոպայում կառուսկիների սոցիալ-դեմոկրատիան և Սուրէլների յեղափոխական սինդիկալիզմը։ Երկուսի ազբիւրն ևս նոյն «դիալեքտիկական»—կեղծ դիտական և ցնորապաշտ, ցնորքներ սնուցանող մտածելակերպն է։ Միևնոյն վարդապետութիւնն է, որ երկրէ երկիր, ազգէ

ազգ անցնելով կերպարանափոխել է
անճանաչելիութեան չափ մինչ այն
աստիճանի, որ այսօր մենք երկու
„Մարքսիզմ“ ունինք—մէկը յարմա-
րապաշտ բէֆորմիստական՝ միւսը—
անիշխանական սինդիկատիստական եր
հուօն էլ սակայն հաւասարապէս ցը-
նորապատէ:

Տարօրինակ է, բայց փաստ է ինչ-
պէս «գիտութեան» և „դոգմայի“, այդ-
պէս նաև իրապաշտութեան“ (բէալիզ-
մի) և ցնորապաշտութեան (ուտոպիզ-
մի) արտաուօց զուգորդութիւնը մարք-
սիզմի մէջ: Անհաւատալի է, որ մի
«բացարձակ» գիտականութեան յա-
ւակնութիւն ունեցող ուսմունք այս-
քան ցնորահասնութիւն սնուցանէր իր
մէջ: Սակայն ով որ ծանօթ է մարք-
սիստական «գիւլիքտիկական» մտա-
ծաղութեան, նրա համար զարմանալի
չէ այդ առերևոյթ հակասական, ան-
ասկանելի երևոյթը: Դա միայն դամայն

հասկանելի է շահունում, երբ քննում ենք այդ աշխարհայեացքի էութիւնը — «դիալիտիկան»

„Դիալիքտիկայից“ կամ դիալեքտիկական մտածելակերպից է առաջանում ցնորապաշտութիւնը մարքսիզմի մէջ:

Ամեն — բնական թէ սոցիալական — շարժման այդ ճագատագրապաշտ (Ֆատալիստական) և տարերային ըմբռնողութիւնը ինքնին արդէն ցնորականութեան պարարտ հող է ներկայանում: Եւ իբրք, մտածեցէք Մարքսէն գելսեան «դիալեքտիկայով» և կտեսնէք որքան դիւրին ու գեղեցիկ է կատարում ամեն բան աշխարհում:

Ամեն բան կատարում է դիալեքտիքական օրէնքներով բառ այդ տեսակէտի. հասարակական կեանքն էլ է այդպէս դարձանում. — ամեն մի երեոյ՛ր, դրուքիւն (թէզ) ծնում է իրեն մի հակառակ դրուքիւն (հակադրու-

թիւն-անտի՞ք էդ). սա հակադրելով առաջին դրութեանը ժխտում, բացատում է նրան ու ստեղծում մի նոր կատարեալ դրութիւն (համադրութիւն առաջին երկու դրութիւնների սխիթէզ): Համադրութիւնը կոչւում է նաև «բացասման բացասումն» որովհետև դա նախորդի բացասման արդիւնքն է:

Երևակայեցէք, որ ամեն ինչ ճիշտ այսպէս է կատարւում, որ սոցիալիստական շարժումն էլ դիալեքտիկայի այդ եռաստիճան մոգական օրէնքով և կատարւում: Օրինակ այսպէս. կայ մի տեւալ սոցիալական երևոյթ կամ «դրութիւն», որ կոչւում է «մասնաւոր անհատական աշխատանքով ձեռք բերած մասնաւոր սեփականութեան տնտեսութիւն» (միջսադարեան արհեստաւորութիւնը): Իրան հակադրւում է դրանից զարգացած երկրորդ դրութիւնը — «հասարակական և ուրիշ աշխատանքով ստեղծած մասնաւոր

սեփականութեան տնտեսութիւնը»
(արդի կապիտալիստական տնտեսու-
թիւնը). այս երկրորդ դրութիւնը բա-
ցատու է նախորդ դրութիւնը, այս-
ինքն սովորական «բարբառով» ասենք
խոշոր տնտեսութիւնը կլանուի է մանր
տնտեսութիւնը, կապիտալիզացիա
է կատարուիմ և այս երկոյթը իր զար-
գացմամբ ինքնաբերաբար յանգում է
երրորդ դրութեան կամ համադրու-
թեան-սոցիալիզմի:

Եւ ճիշտ այսպէս.— 1) մասնաւոր
անհատական տնտեսութիւն, 2) կապի-
տալիզմ և... 3) սոցիալիզմ: Մէկը բըղ-
խում է միւսից «ընասանհրաժեշտօրէն»,
«ճազատագրականօրէն», «ինքն իրեն»,
«անխուսափելիօրէն», «տրամաբանօ-
րէն», («դիալեքիտկօրէն») և այլն
և այլն: Այսինքն՝ սոցիալիզ-
մի դալուստն ու յաղթանա-
կը մի տարերային ու բացարձակ,
ընական ու տրամաբանական անհրա-

ժեշտութիւնն է ըստ մարքսիզմի, ըստ «գիտելքտիկական» պատմահայեցողութեան: Կապիտալիստական տնտեսութեան «ներքին (իմանենտ) օրէնքների խաղի» արդիւնքն է դա—ճագատագրականօրէն տնխուստափելի:

Պարզ չէ՝ թէ որքան ցնորք՝ եր կարող են ծնել ու առատօրէն սնել այդ հողի վրայ: Պարզ չէ՝ որպիսի ցնորապաշտութիւն կարող էր զարգանալ այդ անօրինակ ու արտառոց «գիտական» ֆատալիզմ/ց (ճակատագրապաշտութիւն/ց) Պարզ է և միշտ այդպէս է, ուր գիտութիւնը մի աչօրինի կենսակցութեամբ զւգորդում է դողմայի, ոչ գիտական մտածողութեան հետ (Մարքսն տնտեսական մտեքեալի մ և Հեգելեան իդէալիստական գիտելիտիկա) — արդիւնքը միշտ էլ լինում է մի վատասերած գաւակ—խորհրդապաշտութիւն (միստիցիզմ) կամ ցնորապաշտութիւն (ուստալիզմ):

Ահա այդ «գիտական» ցնորապաշտութեան պատուհները, մարքսիստական իրապաշտութեան (բէալիզմի) հողի վայ ծլած ու ծաղկած ցնորքի ծաղիկները:

— «Մրցիտական հարցն այս (19-րդ) դարու հարց է. և դրա վերջին տասնամեակում, ամենայն հւանականութեամբ մեծ վճռական փոփոխութիւններ տեղի կունենան»:

— «Փերմանական սոցիալ դեմոկրատիան սյնալիսի դիւք է բուսել, որը կարճ ժամանակում կապուի վի նրա համար քաղաքական իշխանութեան նւաճումը»:

— «Մեր վերջին նպատակների իրականացումը այժման մօտ է, որ այս դահլ՛ճ ւմ ներկայ եղողներինք քչիւն են միայն, որ չեն տեսի այդ օրերը»:

— «Այն կուսակցութիւնը (սոցիալ-դեմոկրատիան), որ փոթորկող ալիքներին նման անպուսպօրէն անցնում է

բոլոր պատնէշներից և ծաւալուում է լայն ալիքներով գէպի քաղաքներն ու գիւղերը, մինչև ամենայնուհիմական գիւլատնտեսական անկիւնները, այդ կուսակցութիւնը հասել է արդէն այն կէտին, ուր նա համարեա թէ մաթեմատիքական ճշտութեամբ կարող է որոշել այն ժամանակը, երբ կհասնի նրա տիրապետութիւնը»:

— «Եթէ ծագի ահաւոր համաշխարհային պատերազմը՝ մենք մի երկու տարուց յետոյ հասած կլինինք մեր նպատակին»:


— «Հակառակ դէպքում, հետևեալ ընտրութիւններին մեր կուսակցութիւնը այնպիսի դիրք կընդունի, որ կհարկադրի զինադադար խնդրել ամեն մի կուսակցութեան»։ «Եւ եթէ դէպքերը այդ ուղղութեամբ գնան՝ 1898 թ. մեր կուսակցութիւնը կարող է իշխանութեան հասնել»:

— «Նոր Ֆրանսիական յեղափոխու-

A 14394

Թիւնը ստիպւած կլինի անմիջապէս
 թողնել ազգային հողը և իրեն եկրար-
 կել ամբողջ ներուպան, միայն այս ճա-
 նապ. բնով կիրականանայ 19-րդ
 դարի սոցիալական յեղափոխութիւնը.

Այսպէս է արամաբանում մարքսիզ-
 մը, դեռ ևս 48 թ.—90 թւականները,
 եւ արամաբանում էր առերևոյթ շատ
 հիմնաւոր, շատ առարկայական կեր-
 պով. կապիտալիզմը ծաւալուում աւ-
 յաղթանակում էր օրէցօր, դա առաջ
 էր բերում դանդաժային թշւառա-
 ցումներ, միջին սեփականատէրերին
 դարձնում էր սեփականազուրկ (սրտ-
 լետարիատ). ծնում էր աղէտաւոր ճգ-
 նաժամեր, արդիւնաբերութեան ուժե-
 րը չէին համապատասխանում արդիւ-
 նաբերութեան կազմակերպութեան—
 դրա հասարակական ճնշ ին, և թուում
 էր բստինքեան, որ մի օր յարաճուն
 ուռճացող ներքինը պէտք է բնականօ-
 րէն, անխուսափելիօրէն խորտակէր,



փշրէր իր արտաքին ձևը, կապիտա-
լիստական տարակրօնն տնտեսութիւ-
նը պէտք է ոչնչացնէր իր հասարա-
կական ձևը:

Կապիտալիստական հասարակական
դրութեան ինքնաբացածման և սոցիա-
լիստական համադրութեան տիրապե-
տութեան դասական արտայայտութիւնը
տւեղ է Մարքսը:

— «Ինչպէս արագօրէն այդ (սեփա-
կան աշխատանքի արդիւնք մասնաւոր
սեփականութիւնը ուրիշ աշխատան-
քի շահագործման վրայ հիմնած կա-
պիտալիստական մասնաւոր սեփակ սնու-
թեան) փոխելու գործողութիւնը բու-
ւական աշխատանքի փայլայեց հին հասարակու-
թիւնը թէ լայնութեամբ և թէ խորու-
թեամբ. ինչպէս սրագորէն բանւոր-
ները դա՛ն պրոլետարներ, իսկ նրանց
աշխատանքի պայման երբ — կապի-
տալ. — ինչպէս արագ արդիւնագործու-
թեան կապիտալիստական եղանակը

պահպանուում է միայն իրերի տնտեսա-
կան դրութեամբ ինչպէս է՝ օրի-
նակ՝ աշխատանքը յետագայում հա-
սարակական դառնում, և հողն ու ար-
դիւնագործութեան միջոցները համայ-
նօրէն շահագործւում. ուրիշ խօսքով,
թէ ինչպէս է մասնաւոր սեփականու-
թեան արտագրաւումը յետագայում
նոր ձև ընդունում: Այժմ այլևս սեփա-
կան տնտեսութեամբ պարտապող ան-
կախ բանւորին չէ. որ պէտք է սեփա-
կանագրկել, այլ բազմութիւ բանւոր-
ւորներէ սեփականագրկող կապիտա-
լիստին: Այս սեփականագրկումը (էքս-
պրոպրիացիան) կատարւում է կապի-
տալիստական արդիւնագործութեանա-
ռոնձատու կ'ներքին (իմամանենտ)
օրէնքների խաղով—կապիտալների կեն-
սոնագումով: Ամեն մի կապիտալիստ
սպանում է մի շարք ուրիշներին: Այս
կենտրոնացումը, այսինքն շատ կապի-
տալիստների սեփականագրկումը քչերի

միջոցով ինքնին արդէն աւելի ու աւելի է զօրգացնում բանւորական աշխատանքի կօօպերատիւ ձևը—գիտութեան գիտակցական և տեխնիքական կիրառումը, հողի կանոնաւոր ու մասին շահագործելը, աշխատանքի միջոցների միայն համայնական օգտագործումը և բոլոր արդիւնագործական միջոցների իբրև համայնական կանոնաւորած աշխատանքի միջոցների տընտեսող գործածութիւնը, կապիտալի տէրերի շարունակաբար նւազող թւի հետ, որ յսփշտակում և մենաշնորհ են դարձնում այդ յեղաշրջման գործողութեան բոլոր առաւելութիւնները՝ ահում են թշառութիւնը, ճնշումը, ըստրկացումը, ստրացումը, շահագործումը, բայց դրա հետ ահում է նաև ցասումը բանւոր դասակարգի, որ մըշտապէս մեծանում ու հէնց կապիտալիստական արդիւնագործութեան գործողութեան միջոցով սովորում, մարդ-

ւում, միանում ու կազմակերպւում է: Կապիտալը կառկանդիչ կապանք է դառնում արդիւնագործութեան այն եղանակի համար, որ զարգացել է իր հետ և իր ազդեցութեան առկ: Արդիւնագործութեան միջոց, երբ կենտրոնացումն ու աշխատանքի հասարակականացումն հասնում են այն աստիճանին, երբ նրա ք այլ եւս չեն կարողանում տանել իրենց կապիտալիստական կեղեք: Սա նեղւում է ինքն իրեն—sie wird gesprengt: Մտնում է կապիտալիստական մասնաւոր սեփականութեան ժամը: Սեփականազրկողները սեփականազրկւում են»: («Կապիտալ», եր. 673):

Այսպէս: Ամեն ինչ կատարւում է «ինքն իրեն», ինքնարեւարար: Վերջնական և ընդհանուր սեփականազրկուէ մը—սոցիալիստական յեղափոխութիւնը կատարւում է կապիտալիստական արդիւնագործութեան էութիւնից բղխող «ներքին օրէնքների խաղով»!!:

«Հինք պէտք է խորտակւի և նա խորտակուամ է»: Խորտակուամ է տարերայ օ, էն. «բացասումն բացասումի» բնական, ածեշտութեամբ — «կապիտալիստական արդիւնագործութեան և իւրացւան եղանակը, հետեարար կապիտալիստական մասնաւոր սեփականութիւնը անհատական, սլփական աշխատանքի վրայ հիմնւած մասնաւոր սեփականութեան առաջին բացասումն է: Իսկ կապիտալիստական արդիւնագործութեան բացասումն կատարուամ է հէնց իր միջոցով — բնական գործողութեան (պոցէսի) անհրաժեշտութեամբ: Դա «բացասման բացասումն է»: Այսպիսով «փաստօրէն արդիւնաբերութեան միջոցները համայնական, շահագործման վրայ հիմնւած կապիտալիստական մասնաւոր սեփականութիւնը փոխուամ է համայնական սեփականութեան: Առաջ սակաւաթիւ յափշտակիչներ սեփականագուրկ են արել ժո-

ղովրդական մասնաճեղքին, հիմա էլ ժողովուրդն է սեփականագուրկ անում — էքսպոսպրիացիայի եւ թարկում այդ սակաւաթիւ յավուտ սկիչներին» («Կապիտալ», եր. 673-674):

Նոյն լաւատես հայեացքը, նոյն բացարձակ հաւատը դէպի կապիտալիզմից բնական հրաժեշտօրէն սոցիալիզմի անցման աճխախտ դոգմը, ինչ որ իշխում էր դեռ ևս 1847 թ. «Կամմուն. Մանիֆեստի» մէջ. — «Խոշոր արդիւնագործութեան զարգացման հետ բուրժուակիան կորցնում է իր ուղի տակի հողը, որի վրայ նա արդիւնաբերում և սեփականացնում է արդիւնքը: Ուստի և ամենից առաջ նա ի վրէն է իր սեփական գերեզմանը փորում: Նրա անկւմն ու պրոչիտարիատի յաղթանակը հաւասարապէս անխուսափելի են»:

Սոցիալիզմի «զուտ պրոչիտարիան տեսակէտը» տրամաբանում էր. — «Կապիտալիզմի ծնունդ պրոչիտարիատը

միակ յեղափոխական դասակարգն է, որ անհրաժեշտօրէն հակադրում է բուրժւազիւային... — Այժմ հասարակութիւնը աւելի ու աւելի է բաժանւում երկու թշնամի բանակների, երկու իրար հետ թշնամանող դասակարգերի — բուրժւազիւայի և պրոլետարիատի»։ Միայն պրոլետարն է շահագրգռւած կապիտալիզմի խորտակումով և սոցիալիզմի յաղթանակով։ Մնացած բոլոր դասակարգերը (նաև «գիւղացիները») «ոչ յեղափոխական, այլ պահպանողական են. աւելին՝ նրանք յետադիմական են. դրանք կամենում են յետ տալ պատմութեան անիւրը» (Վոմմուենիստ Մանիֆ.)։ Իսկ պրոլետարիատը բուրժւազիւայի հարապատ ծնունդն ու ժաւանդն է. միւս դասակարգերին նա ոչնչացնում է, իսկ պրոլետարիատը միակ դասակարգն է, որ աւելի է ոչնչացնի իրեն ծնող դասակարգին — բուրժւազիւային — «միայն պրոլետարիատն է, որ իսկապէս ձրգ-

տու՛մ է արմատական յեղաշրջման», —
այսինքն սոցիալական յեղափոխութեան :
Եւ նրա իբրև դասակարգ դարդանալն
ու յաղթանակելը և բուրժուազիայի ան-
կումը, պրոլետարիատի դիկտատուրան
(սոցիալիստական յեղափոխութեան նա-
խապայմանը) և կապիտալիստական հա-
սարակարգի փլուզումը «հաւասարա-
պէս անխուսափելի» են : — «Մասնաւոր
սեփականութեան դրութիւնը հէ՛ց իր
սեփական. ներքին անխուսափելի դի-
ալեկտիկայով օրջւում է իր հակադրու-
րեան» :

Այսպէս էր հաւատացած զուտ պրո-
լետարական և «բացարձակ» սոցիալիզ-
մը, ուղղափառ մարքսիզմը : Սոցիա-
լիստական յեղափոխութիւնն ու սո-
ցիալիստական կարգերի տիրապետու-
թիւնը ապահոված էին ամեն կերպ՝
թէ բնութեան, թէ պատմութեան, թէ
քաղաքատնտեսութեան և թէ... տրամա-
բանութեան (sic!) օրէնքներով : Սոցիա-

լիզմի վալուստը ոչ միայն պատմական-հասարակական, այլ և բնական ու ար-բամաբանական (դիալեքտիկական) անհրաժեշտութիւն էր ըստ մարքսեան դոգմայի:

Հոսկանալի է ըստինքեան, որ այս դիալեքտիկական, էսպէս ոչ-յեղափոխական մտածողութիւնը շատ հաճելի էր նումանուանդ կրաւորական, յարմարապաշտ հոգիների համար: Եւ իրօք, ինչ կար երազուն իդէալիստների համար աւելի հաճելի, ընդունելի՞ քան սոցիալիզմի այդ բնաանհրաժեշտորէն տիրապետութիւնը, Ազատութեան և Հասարակութեան Թագաւորութեան ինքն իրեն «գալուստը»:

Եւ որքան դա, այդ ցնորապաշտ իդէալիզմը խաբսխւած էր երևում իրական հողի վրայ, և հիմնաւորւած հասարակական կեանքի ընդ պայմաններիով (կապիտալիզմ, դասակարգային կռիւ և այլն)՝ այնքան աւելի համոզ-

կեր, այնքան աւելի տրամաբանական
էր թուում այդ «տեսակէտը»: Եւ իրօք,
ինչ կար 40 60 թ.ականներին աւելի
աչքի զարնող, աւելի ուշագ աւ, աւե-
լի իրական՝ քան երիտասադ կապի-
տալիզմի սրարչաւ, յաղթական ընթաց-
քըն ու զարգացումը իր զուգընթաց
երևոյթներով, (աշխատանքի համայնա-
ցումով և պրոլետարիզացիայով): Նոր
անտ՝ սութեան եղանաւ ը այնպիսի ա-
րագութեամբ էր զարգանում, ծաւալ-
ում, որ նա կարող էր ամեն մէկին
սխալանքի մէջ ձգել իր զարգացման
օրէնքների բացա՛յն ձակութեան և ան-
խուսափելիութեան մասին: Դա շատ
հեշտութեամբ կարող էր այն իլլիւ-
զիան, այն պատրանքը առաջ բերել,
որ դրա վաղաժամ տիրապետութիւնն
և eo ipso դրանով հէնց սոցիալիզմի
յաղթանակը հաւասարապէս «բնաան-
հրաժեշտ ու անխուսափելի» են:

Եւ Մարքս ու էնգէլս բնականօրէն

ընկան այդ սխալանքի, այդ պատ-
 րանքների մէջ, ինչպէ՛ս յետոյ խոստո-
 վանեցին իրենք, կապիտալիզմի ար-
 տակ որդ արագութեամբ ծաւալելը
 չափազանց խաբուսիկ էր այդ տեսա-
 կէտից: Ի տես այդ ակնբախ, այդ
 չափազանց որոշ ելևոյթների նրանք
 տրամաբանում էին՝ կապիտալիզացիա
 — պլուրետարիզացիա — սոցիալիզմ: Կա-
 պիտալիստական տնտեսութիւնը իր
 ներքին անհաշտելի հակասութիւններով՝
 — հասարակական արդիւնագործութիւն
 և մասնաւոր սեփականութիւն, ծայ-
 րայեղ հարստութիւն (գերարտադրու-
 թիւն) և ծայրայեղ թշւառութիւն,
 գերկուտուրա և գերբարբարոսութիւն
 («քաղաքակրթութեան մէջ բարբարո-
 սութիւն») — տանում է ինքն իրեն
 դէպի խորտակումն:

Դրա խորտակումը պայմանաւոր-
 ւած է դրա ծայրայեղ զարգացումով:
 Նա ինքն արդէն կռում է ոչ միայն

իր դէմ ուղղելիք մահացու վէճքերը,
այլ և դրանց գինակիրներին, իր «գե-
րեզմանափորներին» — սլրուեաւորիատ-
ներին: Ներքին հակամարտ ուժերը
կապիտալիզմի զարգացման ծայր առ-
տիճանին առաջ կը բերեն մի մեծ
տակնու վրայում — «սոցիալական» յե-
ղափոխութիւնը և կհաստատեն սո-
ցիալիզմի տիրապետութիւնը:

Նւ սոցիալ-տնտեսական երևոյթների
այս միակողմանի ըմբռնողութիւնն սւ
գերազնահատումը՝ զուգորդելով մի
անհարազատ ու արտաուոց մտածելա-
կերպի — «դիւալեկտիկայի» հետ՝ առաջ
բերին մարքսիստական իլիւզիանիզմը
(ցնորականութիւնը) և սոցիալական
ֆատալիզմը (նազատագրականութիւ-
նը): Մի տարականոն մտածողութեամբ,
մի միամիտ ու սլարզամիտ տրամա-
բանութեամբ յանուն «բացարձակ» գի-
տականութեան նոյնացեցին բնական
տրամաբանական և պատմական (սո-

ցիալ-տնտեսական) զարգացումները
Էստ այդ մտայնութեան՝ օր՝ սոցիա-
լական զարգացումն ու սոցիալակն
յեղափոխութիւնը ոչ միայն սոցիալա-
կան-պատմական, այլ և բնական (!)
(բնագիտական) ու «տրամաբանական»
(!!) գործողութիւն են: — Սոցիալական
օրէնքը տրամաբանական (դիալեքտի-
կական) ու բնական օրէնք է միաժա-
մանակ: Սոցիալ-պատմական անհրա-
ժեշտութիւնը ինքնին արդէն բնական
ու տրամաբանական անհրաժեշտու-
թիւն է:

«Սոցիալիզմի իրականացումը մի
բնագիտական (!) լինելութիւն» է
էստ Բեքելի: Դա պէտք է կատարել
ինքն իրեն, այսպէս՝ թէ այնպէս — «so
wie so»:

Եւ այս ճաղատագրապաշտ ու ցնո-
րապաշտ մտայնութիւնը տիրապետող
է առհասարակ մարքսիստական աշ-
խարհում: Յնորապաշտութիւնը, սո-

ցիալական մտալուտ յեղափոխութեան միսմիտ հաւատք ըղխում էր մարքսիստական աշխարհայեացքի էութիւնից — դիալեքտիքական մտածելակերպից (սմ. [Թողից» !), տնտեսական — պատմական մատերիալիզմից — արդիւնարերական-տնտեսական ս. ժերի սոցիալ-յեղափոխական նշանակութեան գերգնահատումից, կապիտալիզացիայի և պրոլետարիզացիայի երևոյթների չափազանցումից և այլն և այլն: Իրողութիւնն այն է, որ ըստ մարքսիզմի սոցիալական յեղափոխութիւնը պէտք է լինի 1) շուսով (?) — 47-րդ թիւկանից սկսած «սյսօր չէ վաղը», յամանայն դէպս 19-րդ դարի վերջից ոչ ու չ՝ և 2) ինքն իրեն:

Որքան էլ յետագայում սոցիալիստական յեղափոխութեան դիալեքտիքական ու ֆատալիստական ըմբռնումը կեանքի հրամայանանների և անողոք փաստերի ազդեցութեան տակ որոշ

անհատների կողմից որոշ փոփոխութիւններ է կրել, բայց մարքսիստական գլխաւոր գողմերի հետ՝ դա էլ էապէս անխախտ է մնացել մարքսիստական գրականութեան մէջ: Օրինակ՝ ուղղափառ մարքսիստ կ. կառուտսկին՝ քննելով սոցիալական բարեփոխութեան և սոցիալական յեղաշրջման յարաբերութիւնը՝ գրում է:

— «Մենք երբէք էլ չենք կամենում պնդել, որ սոցիալական յեղաշրջումը ինքն իրեն պէտք է կատարւի, որ անընկճելի տարերային գործողութիւնը (պրոցէսը) այդ կանխ ատանց մարդւմիջամտութեան և որ իբր թէ արդիւնարեւրութեան կապիտալիստական եղանակի հակասութիւններից տանջւող բանուորներին ոչինչ չէ մնում անել, բայց եթէ հանգիստ ծալել ձեռքերը կրճբին և սպասել, մինչև որ այդ հակասութիւնը ինքն իրեն կանհետանայ: «Երբ ասում են՝ թէ հասարակական

զարգացումն անխուսափելի և բնական
անհրաժեշտութիւն է՝ հասկանալի է,
որ նկատի են ունենում և այն հան-
գամանքը, որ մարդիկ—մարդիկ են և
ոչ թէ մեռած տիկնիկներ, որ նրանք
որոշ կարիքներ ու կրքեր ունին, որոշ
Ֆիզիքական և հոգեկան ուժեր, որոնց
միջոցով նրանք աշխատում են լաւա-
ցնել իրենց դրութիւնը: Կրաւորակա-
նօրէն են թարկել ակնյայտ կերպով
անխուսափելի գործողութեանը չի նը-
շանակում այդ իր բնական ընթացքին
թողնել, այլ թողնել, որ դա կանգ առնի
և յետ մնայ:

Եթէ մենք մասնաւոր սեփականու-
թեան ոչնչացումն անխուսափելի ենք
համարում, այդ դեռ ևս չի նշանակում,
որ մենք ենթադրում ենք՝ իբրև թէ մի
դեղեցիկ օր սոցիալական յեղաշրջման
տապակած ազա նիները շահագործող-
ների բերանը կընկնեն՝ առանց սրանց
կողմից դրա համար որևէ աշխատանք

Թափելու: Մենք հէնց նրա համար ենք
տիրող հասարակութեան անկումը ան-
խուսափելի համարում, որ Գիտենք,
թէ ի չպէս տնտեսական զարգացումը
բնական անհրաժեշտութեամբ զարգա-
ցնում է այն պայմանները, որ հարկա-
դրում են շահագործողներին կուե-
մասնաւոր սեփականութեան դէմ: Գի-
տենք, որ դա բազմապատկում է
շահագործողների թիւը և ուժը որոնք
շահագործուած են տիրող կարգի պահ-
պանմամբ.— Գիտենք նաև, որ դա տա-
նում է դէպի մասսայի համար անտու-
նելի կոցաթիւն, որից միայն երկու
ելք կ'յ, կրաւորական մահ կամ նե-
գործոն յեղափոխումն տիրող կարգի
(«Էլ Փուլ Թի ծրագիրը 80—81 էր: Հա-
մամատել—Ֆ. Էլզելս.— «Գիտութեան
յեղաշրջումը...» 7 ըդ հրատ., գերմ. էր
300 303):

Ապա կառուցակիւն ասում է, որ կարի
չկայ նաև, որ այդ յեղաշրջումը տեղ

ունենայ շարիւնահողութեամբ և բրու-
նութեամբ. համայնխորհային պատմու-
թեան մէջ եղել են արդէն ղէպքեր(!)
որք տիրող դասակարգերը մի առան-
ձին խորաթափանցութիւն կամ վախ-
կոտութիւն են երևան հանել և անձ-
նատուր եղել կամովին, հասկանալով,
որ իրենք անխուսափելիօրէն պէտք է
ընկնին: Անհրաժեշտ չէ նոյնպէս, որ
այդ յեղաշրջումը կատարելի մեկ հար-
ւածով... Բայց որքան էլ բազմազան
լինի յեղաշրջման ձեւերը, երբէք էլ դա
չի կատարուի առանց տիրող հասարա-
կութեան ամենաճշտած խաւերի գոր-
ծօն մասնակցութեան:

Այսպէս է արդէն մեկնաբանուած
մարքսիստը հեզել մարքսեան դիտելի
տիկայով թիւ հակադրութեան յեղաշրջ-
ւելու գոյժողութիւնը, աւելացնելով
«Մասնաւոր սեփականութեան խորատու
կումը միայն ժամանակի հարց է: Այդ
ընտանեկուց անխուսափելիօրէն պէտք է

կատարելի թէև ոչ ոք որոշակի, չգիտէ թէ երբ և ինչպէս*) պէտք է այդ կատարելիս: (նոյն տեղ, եր 83): Այս արդէն մեծ վերապահումն է. թէև «անխուսափելիութեան» դոգմը մնացել է, բայց ժամատակի և եղանակ մասին քննադատական վերաբերմունք կայ: Սակայն թէ այդ վերապահումները և թէ մարդկանց գործօս մասնակցութեան և յեղափոխական դերի շեշտումը հերքում են հէնց նոյն կառուտակու նոյն զրքի խօսքերով, որտեղ նորից մարքսեան դոգմատիզմն ու նեղմիտ դիալեկտիքական մտածողութիւնը մատնում են իրենց. — «Եթէ պրոլետարիատը գիտակցօրէն չկամենայ օգտուել պետութեան մէջ իր իշխանութիւնից տիրելու արդիւնագործութեան միջոցներին և արդիւնագործութեան կապիտալիստական եղանակը սոցիալիստականի փոխելու՝

*) Բոլոր ընդշօումներն իմս են, Վ. Խ.

այն դէպքում փաստերի քամաքանու-
թիւնը ինքը կրկանարի այդ, իհարկէ ոչ
առանց որոշ սխալանքների, մոլորում-
ների, աւելորդ զոհերի, ժամանակի և
ուժերի կորստեան: Բայց ա դիւնագոր-
ծութեան սոցիալիստական եղանակը
պէտք է գայ և կրգայ: Նքե (?) անխու-
սափելի է պրոլետարիատի տիրապե-
տութիւնը՝ նոյնքան անխուսափելի է
նաև սոցիալիզմի տիրապետութիւնը:
(նոյն տեղ, եր. 167):

Մօտ հալիւր երես առաջ որքան
զգուշաւոր, որքան վերապահ էր խօ-
սում, որքան բարդ էր երևակայում
կառուտակին սոցիալական շարժումն ու
յեղափոխութիւնը. այնտեղ շատ բան
կախաւած էր մարդու գործօն, յեղափո-
խական մասնակցութիւնից: Այնտեղ
ասւում էր, «եթէ» պրոլետարիատը չէ
կամենում «կրա որական մահով» մեռնել
պէտք է յեղափոխութիւն անի: Իսկ այս-
տեղ ասւում է, եթէ պրոլետարիատը իր

շահն ու դերը չգիտակցէ և սոցիալա-
կան յեղավորութիւնն առաջ բերի՝
«փաստերի տրամաբանութիւնը(!) ինքը կը
կատարի այդ»։ Նոյն դիալեքտիկական
հակատադրապաշտութիւնը և գործօն
յեղավորականն ու կրաւորական դիա-
լեքտիքաւն խառնու շփոթ ընթաց-
նօղութիւնը սոցիալական շարժման մա-
սին։—Մի կողմից արդիւնագործութեան
սոցիալիստական եղանակը պէտք է գայ
և կգա,՝ մընս կողմից—«եթէ պրոլե-
տարիատը չի կամենում «կրաւորական
մահով մեռնել»...

Այս հակասութիւնից ոչ մի ելք չկայ
դիալեքտիկական և մատերիալիստական
ըմբռնողութեան համար, որովհետև հա-
կասութիւնը հենց իր մէջ է։

Կատուտակին էլ չի կարողացել դուրս
գալ մարքսիստական պատմա-դիալեք-
տիքական մտածելակէտի ինքնահա-
կասութիւնից և ցոյց տալ որոշակի
թէ ինչպէս պէտք է կատարի սոցիա-

լական մեծ յեղաշրջումը. դժնբա կար,
ծիքո՛ղ կախւած է և՛ տնտեսական զար-
գացման բնաանհրաժեշտ ընթացքից—
փաստերի տրամաբանութիւնից և՛
պրոլետարիատի յեղափոխական աշխա-
տանքից. մէկ թւում է՝ թէ սուանց
պրոլետարիատի յեղափոխական գործի
և աշխատանքի ոչինչ չի լինի, մէկ էլ
մեզ ասում են, որ ինքն իրեն, դժա-
լեքս իկօրէն կատարող սոցիալական
յեղարշ, ջոււմը ստիպում է իր դերից
խուսափող ու կրաւորական պրոլե-
տարիատին «յեղափոխութիւն անել»
կամ վերջին գործողութեան արդէն
պատրաստի դերը «խաղալ».—Նա ին-
քը (տնտեսական տրամաբանական զար-
գացումը) մղում է պրոլետարիատին դէ-
տի սոցիալիզմ և ապարդիւն և դարձը-
նում յաղթանակը (!) պրոլետարիատ/ա-
մեն մի փորձը քեֆելու դեպի այլ հոռմ:
Պրոլետարիատը վերջի վերջոյ ստիպւած
կլինի մտնել այն ուղին, որից չախու-

սափում եր: (Նոյն տեղ, 167 եր.):

Հիմա արիք և հասկացէք՝ թէ ըստ ուղղափառ մարքոսիգիմի ո՞վ երբ և ի՞նչ պէտք է կատարի սոցիալիստական յեղփոխութիւնը:

Մաքերի այս շփոթն ու անվերջ հակասութիւնները առաջանում են սոցիալական շարժման դիւլբրտիկական անդիտական և մատերիալիստական միակողմանի ըմբռնողութիւնից. Դիւլբրտիկ մեթոդը չի էլ կարող որոշակի պատասխանել՝ թէ ինչպէս պէտք է կատարի սոցիալական յեղփոխութիւնը, որովհետեւ ճշտ չէ նրա տեսակէտը սոցիալական շարժման մասին առհասարակ: Այդ շարժման մասին մարքոսիգիմի «դիալեկտիկական» ըմբռնողութիւնը չի հաշտում, առանց հակասութեան չի միանում դրա սոցիալ-յեղափոխական ըմբռնողութեան հետ: Եւ հաշտութիւն լինել էլ չի կարող: Հակասութիւնը միշտ իրեն զգա-

ցնել կտայ: Մենք տեսանք՝ թէ կատու-
տըսկին որպիսի հակասութիւնների մէջ
ընակաւ՝ կամենալով սոցիալական շարժ-
ման «դիալեքտիկական» ըմբռնողու-
թիւնը միացնել դրա «յեղափոխական»
ըմբռնողութեան հետ:

Հակասութիւնից միակ ելքն է—հրա-
ժարել անգիտական և անհ. թեթ հե-
զելեան «դիալեքտիկայից», միակողմանի
մատերիալիստական տեսակէտից և «կա-
պիտալիստական» զարդացման սխալ
թէորիաներից—(որպէս թշւառացման
թէորիա, նգնաժամային թէորիա, բա-
ցարձակ կապիտալիզացիա, մանր տըն-
տեսութեան ոչնչացումն և այլն և այլն):
Հրաժարելով սյդ ամենից՝ պէտք է
ընդունել, որ սոցիալական շարժումը
երբէք էլ դիալեքտիկական կամ «ընա-
գիտական» շարժումն է, այլ գերազան-
ցօրէ՛ս պատմական շարժում իր ուրոյն
«օրէնքներով», որոնք աւելի քերական-
նական կանոնի՝ քան թէ մաթեմատի-

քական-տրամաբանական օրէնքի նը-
շանակութիւն տնին: Դակօտարւում է
նիւթական (սոցիալ տնտեսական) և գա-
զափառային (տարգիւյին կամային) ու-
ժերի փոխօգործ գործակցութեամբ:
Այս երկու ուժերի փոխազդեցութեան
արդիւնք է սոցիալական շարժումը (հե-
տեաբար և սոցիալական յեղափոխու-
թիւնը): Դրանց փոխազդեցութեամբ է
աստիճանաբար զարգանում, փոխւում
ու «յեղափոխում» հասարակական-սլատ-
մական կեանքը:

Այս ըմբռնողութեան միջի մի են
ձուլւում է լոխւցիայի և լէվոլիցիայի
— աստիճանական զարգացման և յե-
ղափոխութեան տեսակէաները: «Յեղա-
փոխութիւնը» աստիճանական զարգաց-
ման այն գործողութիւնն է կ'չում, որ
զլխաւորապէս մարդկանց գիտակցա-
կան և գործօն կամօցողութեամբ է կա-
տարւում: Այդպիսի են կոչւում այն
սլատմական մոմենտները, երբ մարդ-

կանց գործօն մասնակցութիւնը առանձնապէս շեշտուում է: Բայց որովհետև քահանայապետական մարդիկ սոցիալական շարժման անբաժանելի բաղադրիչ տարրն են կազմում, ուստի և դասկարգւած և թէ «յեղօփօխական» բն. յթէ է կրում: «Յեղափոխական» (բեւոյնիցիոն) է սոցիալական շարժումը (էվոլյուցիան)՝ թէ նիւթական-տնտեսական և թէ մարդկային-գաղափարային ուժերի ներգործութեամբ: Այդ երկու շարժիչ ուժերի գործօնների բեռը (իրական) միութեամբ է կատարւում ամեն մի սոցիալական շարժում:

Պատմութեան կամ սոցիալական կենքի սյու բեռնակալական-յեղափոխական (մարտնոցութիւնը մենք հակադրում ենք դրա միակողմանի, մասամբ էլ ոչ դիտաւան «մատերիալիստական-դիւլքտիք» կան բարձրագոյնութեանը Ն. «բեւոյնիստական-յեղափոխական» տեսակէտից անտես հակասութիւնների կա-

րելի է բաղադրել սոցիալական շարժումն
առհասարակ և դրա ամենամեծ գործա-
ղուծիւնը— «սոցիալական յեղափոխու-
թիւնը»:

Թէալիստական տեսակէտից «սոցիա-
լիստական յեղափոխութիւնը» ոչ թէ
մի տրամաբանական անհրաժեշտու-
թեամբ կատարւող պրոցէսսի վ ըջի՞ն
գործուցութիւնն է, որ պէտք է տեղի
ունենայ մի անգամից, անսպասելի կեր-
պով, «սնականկալ յեղաշրջումով», տի-
րող դրութեան «իր հակադրութեան
շրջումով», այսօր՝ կամ վաղը, այլ մի
բարդ, աստիճանական, բառի լայն մըտ-
քով՝ բարենորոգչական դարգադում, որ
տեղի է ունենայու որոշ յեղափոխական
իրադարձութիւններով— մեծ փոփոխու-
թիւն) երով:

Սոցիալական շարժման թէալիստա-
կան- յեղափոխական տեսակէտի հա-
կուակ՝ յատկանշական ու բնորոշ են
«Մեծ յեղաշրջում» կամ «իր հակա-

դրութեան շրջումն» դարձւածքները,
որ մարքսիզմը սիրով դործ է անում
«սոցիալիստական յեղափոխութեան»
համար: Դրանք պատահական դարձ-
ւածքներ չեն: Դրանք բղխում են
դիալեկտիկական մտածողութիւնից—
սոցիալական շարժման «իրը թէ» ե-
ռաստիճան օրէնքից՝— թէզ, անտի-
թէզ, սինթէզից: «Մեծ յեղաշրջում»
արտայայտութիւնը մի այլ անունն է
«բացասման բացասումն» արտայայ-
տութեան: Սոցիալական յեղափո-
խութեան յանկարծակի և կատաս-
տրոֆային ըմբռնողութիւնը մարքսիզ-
մի մէջ հար զատ ժառանգութիւնն
է Հեգելեան դիալեկտիկայի: Հակա-
դրութիւններով— հակասումներով ու
բացասումներով— կատարւող զար-
գացման մտապատկերը անուցանում
էր հասարակութեան կապիտալիստա-
կան ձևից սոցիալիստականի անցման՝
«յեղաշրջման» նախ «մեծ» — հիմնո-

վին ու հակապատկեր լինելը—(ամեն դրութիւն ըստ Հեգել Մարքսի «շրջում է իր ներքին, անխուսափելի դիալեքտիկայով իր հակադրութեան»)։— ապա անակնկալ («ոչ ոք չգիտէ՝ թէ այդ երբ կլինի»), Կ. Կառուտսկի), և երրորդ՝ մօտայն լինելը։

Սոցիալիստական թագաւորութեան մօտայն «գալստեան» ցնորքը հետեանք էր այն տեսակէտի, որ դապէտք է անակնկալ լինի։ Եւ ամեն անգամ, երբ որոշ նշաններ ցոյց էին տալիս կապիտալիզմի—«դրութեան»— ծայրայեղ զարգացումը՝ մարքսիստն՝ ըր սրտատրոփ սպասում էին «հակադրութեան»—սոցիալիզմի տ՛րապետութեան։ Եւ ինչպէս տեսանք, այդ նրանց շատ և շատ մօտ էր երևում։ Առաջին մարքսիստները նրմանում էին մասամբ առաջին քրիստոնեաներին այս տեսակէտից։ Նրանք էլ էին սրտատրոփ ու անհամբոյ

սպասում «երկրորդ զալստեան» — եր-
ջանկութեան՝ ազատութեան ու եղ-
բայրութեան թագաւորութեան:

Եւ թէպէտ կառուտակին արդէն այն
կարծիքին է, որ «անհրաժեշտ չէ որ
այդ յեղաշրջումը մեկ հարւածով կա-
տարւի», *) բայց ըստ Մարքսի և
էնգելսի դա համարեա թէ «մէկ հար-
ւածով», միանգամից է կատարոււմ:
Տեսանք՝ թէ ինչպէս Մարքսը մար-
գարէական ուղղափառութեամբ ու
հաւատով աղղարարում էր. — տիրող
հասարակական ձևը «իր ներքին,
անխուսափելի դիւլեքտիկայով շր-
ջում է իր հակադրութեան». կապի-
տալիստական հասարակութեան բո-
վանդակութիւնը հասել է զարգաց-

*) Այս միտքը նա աւելի զարգաց-
րեց 18 տարի յետոյ՝ 1902 թ. իր
«Սոց. բարեփոխութիւն» և «Սոց. բա-
րեփոխութեան հետևեալ օրը» գրքոյ-
կում.

ման այն աստիճանին, երբ նրա կապիտալիստական կեղևը պէտք է պատուի, խորտակւի: «Եւ դա խորտակոււմ է: Արդե՞ն խփոււմ է կապիտալիստական մասնաւոր սեփականութեան ժամը: Սեփականզրկողներին սեփականազուրկ են անոււմ («Կապիտալ»):

Նոյն տհազանգն է հնչեցնոււմ և Էնգելս.— զարգացման «այդ աստիճանը արդէն հասել է»: «Մարդն առաջին անգամ ազատ, գիտակից, ու ինքնիշխան կերպով իր ձեռքն է առնոււմ իր ճակատագրի տնօրինութիւնը: Առաջին անգամ մարդկայի պատմութեան մէջ նա ազատոււմ է բնութեան և պատմութեան խորթ ուժերի գերիշխանութիւնից և ենթարկոււմ դրանց իրեն:— Դա մարդկութեան ուսիւնն է անհրաժեշտութեան (ստրկութեան) թագաւորութիւնից դէպի ազատութեան թագաւորութիւնը»*):

*) «Անտիդիւրիւնգ» կամ «Գիտու-

Ահա այսպէս էր ըմբռնում մարք-
սիզմը սոցիալիստական յեղափոխու-
թիւնը. դա պէտք է կատարուէր նախ՝
ինքնաբերաբար և ապա ռուսով ու յան-
կարծակի: Այս ըմբռնումը բղխում էր
մարքսիզմի հիմնական սոցիալ-տնտե-
սական տեսակէտից — «կապիտալի կեն-
տրոնացման» և յարակից գաղափար-
ներից — շուկաների և ճգնաժամերի
թէօրիաներից, մանր տնտեսութեան, և
մանր ազգերի ոչնչացման, իշխանու-
թեան կենտրոնացման, պրոլետարաց-
ման և այլն տեսակէտներից. իսկ սը-
րանք բոլորն էլ բղխում էին մէկ և
զլխաւոր տեսակէտից՝ կապիտալիզա-
ցիայի բացարձակ ուսմունքից. կապի-
տալի կենտրոնացման *idée fixe*-ով —
սկեռ՝ ալ, միտք կաշկանդող գաղափար-
ով են պայմանաւորւած միւս տեսա-
թեան յեղաշրջումը Պ. է. Դիւրինգի
միջոցով». գերմ. 7-րդ հրատ. եր. 304-
306:

կէտները, եթէ կապիտալի կենտրոնացումը կամ կապիտալիզացիան բացարձակ անհրաժեշտութիւն և օրէնք է, ապա անխուսափելի է և մանր տնտեսութեան ոչնչացումն ու (նաև մանր գիւղացիութեան) պրոլետարիզացիան: Բացի այդ՝ կապիտալիզմի անարգել ու արագ զարգացման համար անհրաժեշտ նախապայման է նաև իշխանութեան կենտրոնացումը. այստեղից և մարքսիզմի բացասական վերաբերմունքը մի կողմից դէպի գիւղացիութիւնն ու հողային հարցը, միւս կողմից էլ դէպի մանր ազգերի ինքնավարութեան իրաւունքները ու ազատագրական շարժումները: Այդ հիմնական տեսակէտով, մատերիալիստական դիալեքտիկայով է բացատրւում նաև մարքսիզմի բացասական վերաբերմունքը դէպի գործուանհասների ու մարտական փոքրամասնութեան յեղափոխական դերը պատմութեան կամ սոցիալական շարժման մէջ:

Առհասարակ քացարձակ կապիտալիզացիայի թէորիան այն «սև գիշերն» է, ինչպէս Հեգելն է ստում իր «Արտո իւտի», «Բացարձակի» մասին, «որի մէջ բոլոր կատուն՝ ըր սև են երևում»: Կապիտալիզացիայի և քացարձակ սոցիալիզմի տեսակէտից—ինչպէս այդ պատկերացում է «Կոմմունիստ. Մանիֆեստի» մէջ—բոլոր սոցիալական երևոյթները՝ աղգային հարց, հողային հարց, կառավարութեան ձև և այլն «սև» էին երևում. դրանք կանխակալ տեսակէտն ըով նախապաշարած դոգմատիկներին երևում էին այնպէս, որպէս որ դրանք նպաստաւոր էին կապիտալիզացիայի ու սլրոլետարիզացիայի տեսակէտից: Ամեն ինչ լուսաւորւում, գունաւորւում և գնահատւում ու մեկնաբանւում էր միայն այդ տեսակէտից:

Ամեն տեղ և ամեն բանի մէջ, 40-ական թւականներին մանաւանդ,

Մարքս և Էնգելս կապիտալիզմի, որ
ասել է պրոլետարիատի ու սոցիալիզ-
մի յաղթանակ էին տեսնում կամ ու-
զում էին տեսնել: Ուստի և ինչ որ
նրանց կարծիքով հակառակում ու
հերհակում էր իրենց մտքի գերիշխող
գաղափարին՝ հալածում և մերժում
էր նրանց կողմից:— «Յեղափոխութեան
յաջողութիւնը գերագոյն օրհնին է»—
հռովում էին նրանք ամեն ըոպէ, ամեն
առթիւ: Ամեն ինչ «Յեղափոխու-
թեան», որ նշանակում էր մօտալուստ
«սոցիալ(իստ)ական» յեղափոխութեան
համար: Գիւղացիութեան հարց, մանր
ազգերի ինքնորոշման, իշխանութեան
ապակենտրոնացման և այլն հարցերը
պէտք է զոհաբերել ամենամեծ ֆետե-
շին ու արժէքին— «սոցիալական յեղա-
փոխութեան»:

Այս էր ահա 40-ական և 50-ական
թւականների գլխաւոր մտայնութիւնը
«մարքսիզմի» մէջ: Հենց որ մի մեծ

պատերազմ կամ քիչ թէ շատ յեղափոխութիւն՝ կամ էլ տնտեսական ճգնաժամ էր լինում—Ֆրանսիայում, Անգլիայում, անգամ Ռուսաստանում— նրանք իսկոյն սոցիալական յեղափոխութեան ազդանշանն էին տեսնում դրանց մէջ։ Նրանք սխալւում էին բնականաբար, որովհետեւ կանխակալ տեսակէտներն ու սպասումը ինքնին իլլիւզիաների ծնողներն են։ Եւ այս «սխալանքներն ու իլլիւզիաները» սոցիալական յեղափոխութեան նկատմամբ՝ մարքսիզմի հիմնադիրները անկեղծօրէն և պարզօրէն խոստովանեցին յետագայում—կէս դար անց, երբ կապիտալիզացիայի, պրոլետարիզացիայի սոցիալիզմի կոնցեպցիան չապացուցեց իր բացարձակ օրէնք լինելը։ Էնգելսը 1895 թ. յիշելով, որ 1848 թ. Ֆրանսիական յեղափոխութիւնը իրենք «գունաւորում» էին նախորդ յեղափոխութիւնների «վառ մտապատկերնե-

րով և «սոցիալական կամ պրոլետարական յեղափոխութիւն» համարում այդ, նկատի ունենալով դրա յաջողութիւնները, այսպէս է բացատրում իրենց սխալները. — «Ահա այս հանգամանքներում մեզ համար և ոչ մի կասկած չէր կարող լինել, որ հասել է մեծ, վրձնական պայքարի ժամը, որ այս պայքարը լիակատար, երկար և իրադարձութիւններով լի մի յեղափոխական շրջան է սկսելու, բայց որ դա պէտք է միայն պրոլետարիատի վնասական յաղթանակով վերջանայ»*) :

Շատ նշանակալից են այդ նախադասութիւնները և շատ հասկանալի նաև առանց բացատրութիւնների. և դրանք աւելի նշանակալից են դառնում էնգելսի հետևեալ պատմական յայտարարութեամբ. —

*) К. Марксъ: «Классовая борьба въ 1840—50 г. во Франціи» *դրքի նախաբանում*՝ էր. 6, 9, 10:

«Քայց պատմութիւնը խաբեց մեզ») և
 երևաց, որ այն ժամանակ մեր տեսա-
 կէտքը ցնորք — (իլլ' Լղիա) էր միայն:
 Պատմութիւնը աւելի հեռուն գնաց,
 նա ոչ միայն մերկացրեց մեր այն
 ժամանակէն սխալը, այլև հիմնովին
 կերպարանափոխեց այն պայմաններ-
 քը, որոնց մէջ պէտք է կուլի այսու
 հետև պրոլետարիատը: Պայքարի այն
 ձևերը (բարրիկադային յեղափոխու-
 թիւն և այլն), որ գործադրում էին
 1848 թ. այժմ հնացել են ամեն կող-
 մից...

Պատմութիւնը չարդարացրեց մեր ըս-
 պասումները և բոլոր նրանց տեսա-
 կէտները, ուլքեր բաժանում էին մեր

*) Քաղում եմ ուսերէն թարգմա-
 նութիւնից. որքան յիշում եմ, գեր-
 մաներէնում այսպէս է. «պատմու-
 թիւնը մեզ հետ անիրաւ վարեց»,
 որ աւելի բնորոշ արտայայտու-
 թիւն է:

տեսակէտները: Դա ցոյց տւեց, որ մայր ցամաքի (Եւրոպայի) ճնշակաւ կան զարգացումը դեռ բաւարար չափով չէ հասունացել կապիտալիստական արդիւնագործութիւնը վերացնելու համար»*):

Եւ այսպէս կէս դար անց (95թ.) արդէն սոցիալիստական յեղափոխութեան նկատմամբ մեծ ուտոպիստները յայտարարում են, որ իրենք 'իմնովին սխալւել են, թէև այդ «սխալանքն» ու «ցնորքը» հոգեբանական հիմունք՝ երով են պատճառաբանում և արդարանում՝ փոխանակ դրանց բուն աշխարհայեացքից բղիտոդ պատճառները քննելու: Այսպէս կամ այնպէս՝ կէս դար յետոյ, Լ'նտերնացիոնեալն ու մի սոցիալիստական գիտակից, քանակով ու որակով հզօր բանակ ունենալուց յետոյ էլ էնգելս գրում է. — «Եթէ սակայն պրօլետարիատի

*) Նոյն տեղ. եր. 9.

այգ մեծ բանակն էլ դեռ ևս իր նպատակին չէ հասել, եթէ դա դեռ չէ կարող մի վճռական հարւածով ձեռք բերել իր ուզածը, այլ պէտք է ծանր պայքարով խլի քօնամուց դիրքեր մէկ առ մէկ՝—դրանից անշեղօրէն հետևում է, որ 1848 թ. սոցիալական հիմնական յեղաշրջումն կատարել չէր կարելի լոկ իշխանութիւնը խլելով» (նոյն տեղ):

Այսպէս հետզհետէ ինքնագիտակցութեան է գալիս երիտասարդ մարքսիզմը և վերաքննութեան ենթարկում իր հիմնական տեսակէտները: Հասարակական կեանքի զարգացման և գիտական-քննական մըտքի ազդեցութեան տակ նա յետագայում շատ բան է փոխում ու վերաքննում. նախ «Կոմմունիստ. Մանիֆեստի» իր մաքսիմալիստական ծրագիրը բաժանում է երկու՝ մինիմալ և մաքսիմալ մասերի. երկրորդ

իր ծրագրի մէջ է ընդունում հողա-
յին ու ազգային հարցերը և երրորդ՝
հրաժարւում է առհասարակ «կատաս-
տրոֆային» և թէորիայից («ճգնա-
ժամերի», «շուկաների», «թշւառաց-
ման») և այլ թէորիաներից *) պարլա-
մենտական-րեֆորմիստական գործնէ-
ութիւն ընդունում: Բայց այս նոր
ճանապարհին մարքսիզմը իր երկ-
րորդ մեծ մեղքի մէջ է ընկնում, որ
նոյնպէս դիալեքտիքական մտածելա-
կերպից էր բղխում. այս շրջանում
40-ական թւերի ծայր յեղափոխա-
կան մարքսիզմը փոխւում է մի
ծանձաղ բէֆորմիզմի ու կրաւորական
օպորտիւնիզմի (յարմարապաշտ ու
անգործօն քաղաքականութեան): Այս
զառամող ու ոչ-յեղափոխական մարք-
սիզմ՝ դասական օրինակը գերմա-
նական սոցիալ-դեմոկրատիան է: Սա

*) К. Каутский: Соц. реформа...
1905 г. Роговъ на Дону, стр. 33...

էլ արդէն միշտ անպատաստ է սոցիալական յեղափոխութեան և առհասարակ յեղափոխութեան համար: Դա իրեն նպատակ է դրել մասսաների «կազմակերպութի նը»... պէտք է դասակարգային գիտակցութեան բերել, խտացնել սոցիալիստական բանակի շարքերը և կազմակերպել, կազմակերպել ու... անվերջ կազմակերպել — մինչև որ կհնչի կապիտալիստական հասարակութեան բնական մահուան ժամը, և կհնչի ինքն իրեն, դիալեքտիքական զարգացման «ներքին օրէնքների խաղով»... Սն էլ մարքսիզմ է: Եւ սա, այս՝ գիտութեամբ քողարկւած՝ *) յարմարա-

*) Դիալեքտիքական մտածելակերպը «յեղափոխական» է միայն առերևոյթ, փաստօրէն դա ոչ-յեղափոխական է գործնականում: Հեզելի համար էլ տիեզերական ու յաւերժական դիալեքտիկան իրականում

պաշտ ու կրաւորական մեասիական-
նութիւնն է իսկական մարքսիզմը և
ոչ 40-ական թւ' ըի կամ ըոմանո-սլաւ-
ւոնական բլանկիստական ու մաքսի-
մալիստական «մարքսիզմը»:

Այդ բոլոր ներքին հակասութիւն-
ների ու անհետևողականութիւնների
բուն պատճառը չարաբաստիկ մետա-
ֆիզիքական «դիալեքտիկան» է իր
յարակից քաղաքատնտեսական ոչ
-գիտական թէօրիաներով (օր՝ կա-
պիտալիզացիայի ու պրոլետարիզա-
ցիայի, ճգնաժամերի, թշուառացման
և այլն թէ օրիաներ): Ուստի և
մարքսիզմը՝ կամ դիալեքտիկական սո-
ցիալիզմը որոշ հետևողական ու ամ-
բողջական տեսակէտ չունի սոցիալ-
(իստ)ական յեղափոխո. թեան մասին:
Դա չի կարող ասել՝ թէ այդ ե՛րբ և
վերջանում էր պրուսական բռնապե-
տութեամբ՝ իբրև իդէալական «սին-
թէզով»:

ինչպէս պէտք է լինի: Դրա տեսակէտը սոցիալիստական շարժման այդ մեծ դրւագի մասին կամ կատաստրոֆային-տարերային է կամ ֆատալիստական կրաւորական:

Այդ հարցին որոշ ու մեկին պատասխանում է միայն յեղափոխական և բեալիստական սոցիալիզմը իր ամբողջական (ինտեգրալ) պատմափիլիսոփայական կոնցեպցիայով: Ճշտիւ ըմբռնելով ու գնահատելով հասարակական կեանքի բոլոր գործոն ուժերը և դրա զարգացման էութիւնը՝ բէալիստական սոցիալիզմը միայն կարող է որոշ պատասխան տալ այդ հարցին՝ թէ երբ և ինչպէս պէտք է լինի սոցիալիստական յեղափոխութիւնը:

ՍՈՑԻԱԼԻՍՏԱԿԱՆ ՅԵՂԱՓՈԽՈՒ-
ԹԵԱՆ ԲԷՍԼԻՍՏԱԿԱՆ ԸՄԲՈՆՈՂՈՒ-
ԹԻՒՆԸ

Բէալիստական և յեղափոխական տեսակէտից, որ առանձնապէս շեշտում է հոգեկան-բարոյական ուժերի և մարտական ու դադափարական անհատների յեղափոխիչ դերը մարդկային պատմութեան մէջ, շատ հասկանալի և պարզ է՝ թէ ինչպէս պէտք է լինի սոցիալ(իստ)ական մեծ յեղաշրջումը: Դա պէտք է կատարուի այնպէս՝ ինչպէս որ կատարուում է պատմական շարժումը առհասարակ տընտեսական և մարդկային կամ նիւթական և դադափարային ոյժերի փոխազդեցութեամբ: «Արդիւնագործական ուժերի» յեղափոխիչ դերի հետ իրենց գործը պէտք է տեսնեն նաև այդ բոլորի ստեղծիչ մարդիկ իրենց գերազանցօրէն ֆնկադասող-և գիտա-

կից մտքով, յեղափոխական ու բարոյական կամքով և ներգործօն միջամտութեամբ:

Եթէ ճիշտ է ընդհանրապէս, որ «մարդիկ իրենք են ստեղծում իրենց պատմութիւնը», մարդիկ, այսինքն այս կամ այն շահագրգիռ դասակարգն է ստեղծում իր համար այս կամ այն հասարակական վիճակը, ապա այդ կրկնակի ճիշտ է սոցիալ(իստ)ական յեղափոխութեան համար: Սոցիալիզմի թագաւորութիւնը իբրև ամենամեծ ու արմատական սոցիալ-կոլտուրական յեղաշրջումը աւելի դիտակցութեան, աւելի մեծ պատրաստութիւն և սիստեմատիկ ու ստեղծագործ աշխատանք է պահանջելու: Սոաջին անգամ պատմութեան մէջ մարդկային հոծ բազմութիւններ պէտք է գործօն կերպով մասնակցեն հասարակական կիանքի հիմնական քարեփոխութեան: Մասնայական բը-

նոյթ կրելով հանդերձ՝ դա մեծապէս
գիտակցական գործ է լինելու:

Անգամ Մարքսն ու էնգելսը շեշ-
տել են մարդկանց յեղափոխական
դերը սոցիալական շարժման մէջ:
Ս.ուաշնի կարծիքով «մարդիկ են ըս-
տեղծում իրենց պատմութիւնը»: Իսկ
երկրորդը աւելի ճիշտ և մանրամասն
է որոշում յեղափոխական շարժման
կամ պատմական շարժման յեղափո-
խական բնոյթը. նա ասում է. —
«Պատմական գործօն ուժերը ազդում
են այնպէս՝ ինչպէս բնութեան ուժե-
րը — կուրօրէն բռնի, աւերիչ՝ քանի
դեռ մենք դրանց չենք հանաչել և
հաշւի առել: Իսկ երբ մենք արդէն
դրանց ճանաչել, դրանց գործնէու-
թիւնն ու ուղղութիւնը, դրանց ազ-
դեցութիւնները ըմբռնել ենք՝ ապա
մեզնից է միայն կախուած, կամաց-կա-
մաց դրանց մեր կամքին ենթարկելու և
դրանց միջոցով մեր նպատակներին

հասնելու: Եւ այս աւելի ևս ճիշտ է
այսօրւայ հզօր արդիւնազօրծական
ուժերի մասին...» («Գիտութեան յե-
ղաշրջումը պ. է. Գիւրինգի միջոցով»,
գերմ. 7-րդ հրատ. հր. 300-302):

Թէև էնգելս չի կարողանում այս
ճիշտ տեսակէտը մինչև վերջ հետևա-
կանօրէն պահպանել և նորից դիալեք-
տիքական ինքնաբացասման ցնորա-
բանութեամբ տարւելով ասում է. որ
կապիտալիզմը «ինքն իրեն աւելորդ է
դարձնում» և ներկայ պետութիւնը
«ոչ թէ վերացում է, այլ ինքն-իրեն
մեռնում» (նոյն տեղ, հր. 301-300),—
բայց և այնպէս նրա վերոյիշեալ տե-
սակէտը միանգամայն ճիշտ է և գե-
րազանցօրէն յեղափոխական: Յեղա-
փոխական է այն պատմաբանու-
թիւնը՝ թէ քաղաքակրթութեան
առաջին օրերից, մարդկային մտքի
առաջին դիտակցական ցուբերից ի-
վեր մարդս յեղափոխական դեր ունի

իր պատմութեան մէջ: Բնութեան
ուժերի նանաչողութիւնն ու դրանց իր
նպատակներին ծառայեցնելը, գոր-
ծիքներ ու արդիւնազորձական մի-
ջոցներ ստեղծելը ինքնին արդէն յե-
ղափոխական գործ է:

Եւ այսպէս քանի գնում՝ աւելի ու
աւելի է ընդարձակում մարդու յե-
ղափոխական գործնէ՝ութեան ասպա-
րէզը: Նա աւելի ու աւելի ներգոր-
ծօն մասնակցութիւն է ունենում
պատմութեան անցին ու դարձին:
Որքան զարգանում է նրա՝ զիտակ-
ցութիւնը՝ այնքան զօրեղանում է
նրա յեղափոխականութիւնը: Եւ այսօր
արդէն, կուլտուրայի զարգացման
այս աստիճանում ամբողջ ժողովրդա-
կան զանգւածներ ընդհանուր դասա-
կարգային և համամարդկային իդէալ-
ների գիտակցութեամբ ու նպատա-
կադրութեամբ ձգտում են յեղաշրջել,
որմատապէս բարենորոգել ներկայ

հասարակական կեանքը: Եւ գարձեալ էնգեղսն է, որը ուրախութեամբ մատնանշում է, որ այժմ արդէն բընութեան ստրկութիւնից ազատագրուած է մարդը և բնութեան տէրն ու իշխանը դառնում: Թէ իր բնական միջավայրի և թէ իր կեանքի հիմնական փոփոխութիւնը այժմ արդէն մարդու «իր ազատ գործն է»: «Ստարօբիեկտիւ ուժերը, որ մինչեւ այժմ գերիշխում էին նրա պատմութեանը՝ մտնում են հէնց իր՝ մարդու իշխանութեան ու սկողութեան տակ: Այսուհետև միայն մարդիկ պէտք է կատարեն իրենց պատմութիւնը լրիւ գիտակցութեամբ: Այսուհետև միայն նրանց միջոցով շարժման մէջ դրած հասարակական պատճառները մեծ չափով և էապէս իրենց կամեցած հետեանքները կունենան: Դա մարդկութեան ազատական ուսիւնը, թուիչքն է անհրաժեշտութեան ստրկութեան) թագաւորութիւնից դէպի ազատութեան

Թագաւորութիւնը: Աշխարհի ազատագրութեան այս մեծ գարծը ներկայ պր լետարիատի հատորակական կոչումն է» (նոյն տեղ, 305 — 306 էր):

Այս չափազանց ուշագրաւ ու նշանակալից տողերը նարից շեշտում են պատմութեան յեղափոխական ըմբռնողութիւնը և ընդգծում մասնաւորապէս սոցիալիստական յեղափոխութեան ուղին: այդ ամենից անկասկածօրէն՝ հետևում է, որ սոցիալիստական եղափոխութիւնն ևս մարդկանց, այսինքն դրանով շահագրգիռ դասակարգերի ազատ ու զիջակից, այսինքն յեղափոխական կամեցողութեան ոգործողութեան արդեւնքը պէտք է լինի: Սոցիալիզմը ոչ թէ «ինքն իրեն» պէտք է «քննանհրաժեշտօրէն դալ, այլ մենք պարտաւոր ենք այդ կամենալ և իրագործել: Դա ոչ թէ մի բանական — տրամաբանական, այլ մի պատմական բարոյական անհրաժեշ-

սուքիւն է. Սոցիալիզմը պկտք է ի-
րականացւի մարդկանց քննադատող
ու խորտակող մտքի աշխատանքով,
բարի և բարոյական կամքով և յե-
ղափոխական գործունէութեամբ:

Սոցիալական շարժումները ոչ սոսկ
բնական, ոչ էլ տրամաբանական
(դիալեքտիքական!) շարժումներ են:
Դրանք իւրայատուկ բարդ պրոցէսս
ներ ևն իրենց ուրոյն կանոններով
և ուղղութեամբ (տենդենցով): Դրանք
կուլտուր-պատմական նպատակաւոր
շարժումներ են, որ կաաարւում են
մտածող և կամեցող, գործօն մարդ-
կանց գիտակցական նպատակադրու-
թեամբ և նպատակա արմար միջոց երի
ծրագրւած: Այդպիսին է մանաւանդ
սոցիալիստական շարժումը: Սա էլ մի
գերազանցօրէն նպատակաւոր շար-
ժում է, որ ունի մի շաա որոշ իդէալ
— ցանկալի ու բարձր նպատակ: Սո-
ցիալիստական — ազատ, հաւա ար ու

եղբայրացած հասարակութիւնն
այդ իդէալը. որ գիտակցում, սիրու
ու կամենում են բոլոր շահագրգը
ւած դասակարգերը: Բոլոր երկիր
ների աշխատաւորութիւնը այդ իդէ
ալին հասնելու համար կազմակերպ
ւած կուսակցութիւններով և շատ որո
հիմնաւորւած ու բանաձևած ծրագիր
ներով հետևողական դասակարգա
կուսի և շատ ուղղութիւն սոցիալական
քաղաքականութիւն է վարում. Ուս
տի սոցիալիստական շարժումը մե
ծապէս նպատակաւոր, գիտակից ու
յեղափոխական շարժումն է: Սոցիալիս
տական յեղափոխութիւնն էլ—հասարա
կութեան կապիտալիստական ձևից սո
ցիալիստականի անցումը—մարդկանք
գիտակից ու յեղափոխական կամեցո
ղութեան և նպատակայարմար գործու
նէութեան արդիւնք պէտք է լինի
Սոցիալիզմը որոշ կուլտուր-եթիքական
անհրաժեշտութիւն է և կիրականաց

միայն տնտեսապէս շահագրգիռ դա-
սակարգիրի և կուլտուր-բարոյապէս
շահախնդիր անհատների գիտակցա-
կան աշխատանքով, վճռական կամե-
ցողութեամբ և յամառ յեղափոխական
գործնէութեամբ: Սոցիալիզմը ոչ մի-
այն մի նոր արդար ու հաւասար
տնտեսութեան, այլ և մի նոր կուլ-
տուրայի, նոր բարոյականութեան
ու հոգեբանութեան հարց է: Դա մի
նոր կուլտուրական վերածնունդ է,
որոք որ մի մասսայական շրճիչ
տրկութեան թագաւորութիւնից դեպի
տրկութեան թագաւորութիւնը:

Այդ թռիչքը, անշուշտ, իբրև այդ-
պիսին յեղափոխական թռիչք է, բայց
յեղափոխական—բառի ամենալայն ա-
ռումով: Դա աւելի օրգանական՝ քան
տարերային-կատաստրոֆային բնոյթ
է կրելու: Նորը ծնւողը սաղմնաւոր-
ւելու ու զարգանալու է հնի մէջ: Դա
հնից ժառանգելու է այն բոլոր օրգան-

ներն սւ Ֆուճկցիաները, որ կենսա-
կան անհրաժեշտութիւն են նորի ինք-
նազանհապանման ու ինքնազարգաց-
ման համար: Ուրեմն սոցիալիստական
հասարակութիւնը ծնւելու ու զարգա-
նալու է կապիտալիստական հասարա-
կութիւնից: Նա վերջնիս մէջ իր տի-
րապետութեան համար գտնելու է ո-
րոշ սոցիալ-պետական սարք ու կարգ
և որոշ կուլտուր-տնտեսական հիմունք-
ներ: Սոցիալիզմը կապիտալիզմի
բացարձակ բացասումով կամ սոցիա-
լական «ոչնչից» առաջ գալ չէ կարող:
Կատարւող փափոխութիւնը կամ «յե-
ղափոխութիւնը» բացարձակ հակա-
սութեան կամ տարամերժ բացասման
իմաստով չպէտք է հասկանալ: Նորը
պէտք է առաջ գայ ոչ թէ
հնի բացարձակ ժխտումով կամ ոչըն-
չացումով, այլ հնի կերպարանափո-
խումով: Քանակը — կուլտուր-տնտե-
սական արժէքները մնալու են, որակն

է փոխուելու: Սոցիալիզմը չէ ծնւելու պատճառս, որպէս Աթենաս-Պալլասը Ջևսի գլխից:

Ո՛չ: Դա ծնւելու է իբրև նորածին զաւակ նախօրօք սաղմնաւորելով, գոյանալով իր ծնողի արգանդում կապիտալիստական կարգերում կամ «նեբաճելով» «eiwnachsen» — դրամէջ, ինչպէս Լիբկնեխտն է ասում: Եւ ծնւելու է անտարակոյս, երկունքով, «յեղափոխական» գործողութեամբ և երկունքի որոշ ցուերով՝ նայած երկունքի առողջ, բնական և վատառողջ, անբնական լինելուն: Այս օրգանական ծրնունդի ու յեղափոխութեան գեղեցիկ բացատրութիւնը տալիս է Կառլ Մարքսը: Նա ասում է, որ եթէ «կապիտալիստեան գործող հիմնարկութիւնները» — երկաթուղիներ, գործարաններ, մինիստրութիւններ և այլն — պէտք է փոխուեն — յեղափոխուեն «սոցիալիստեան գործող հիմնարկութիւններ»,

Թէ «կապիտալի օրգաններէց պէտք
դառնան բանւոր դասակարգի օրգան
ներ ոչ այլ կերպ, բայց եթէ մի ան
գամից և իր բոլոր մասերով, ապա
այդ կարող է տեղի ունենալ բոլոր
հասարակական օրգանների զարգացման
որոշ աստիճանում միայն: Բայց, ի
հարկէ, հասարակութեան համար չ
կարելի այդ այնպիսի ճշտութեամբ
որոշել, որպէս մայրական օրգանի
մի համար՝ թէ երբ կհասնի հաստ
նութեան պահանջած ժամը».*)

Ապա կառուտակին շեշտում է, որ
չնայած դրան՝ երկունքի, կենդանա
կան ծնունդի և սոցիալական յեղա
փոխութեան գործողութիւնների մէջ
մեծ նմանութիւն կայ: Հակառակ
բուրժուական մտայնութեան, որ վա
խենում է բնութեան մէջ յեղափոխ

*) К. Каутский: «Соц. реформа
на другой день послѣ соц. рефор
мы» 1905 г. стр. 17

կան ազատ, արժաատական փոփոխու-
թեան երևոյթներ ճանաչել, մենք
տեսնում ենք, որ բնութիւնն ևս
թռիչքներ» է կատարում: Բնութեան
վոլիւցիան ևս կատարում է որոնք
մասնակի կատաստրոֆներով կամ
վոլիւցիայով: Այդպիսի կատաս-
տրոֆներից կամ յիդափոխական ազ-
ոներից են, օրինակ՝ ծնունդը և ճտի-
ւի կճեպը կոտորելը և լոյս աշխարհ
ալը:— Ծնունդի ազտը թռիչք է ա-
ում է կառուսկին: Սաղ մը, որ մայ-
ական օրգանիզմի մի մասն է կազ-
ում, նրա հետ ընդհանուր արիան
ջանառութիւն ունի, նրանից սնունդ
ստանում, չի շնչում—ծնունդից յի-
ոյ մի անգամից ինքնուրոյն մարդ-
ային արարած է դառնում՝ սեփա-
ան արեան շիջանառութեամբ, մի
արարած, որ շնչում է ու ճչում, ըն-
ունում է սեփական կերակուրը և
արտաթորում իր աղիքներով»:

«Երկունքի ու ծնունդի և յ¹ դա-
 փոխութեան նմանութիւնը միայն
 գործողութեան թռիչքանման լինելով
 չէ սահմանափակուում: Գործին մօտից
 նայելով՝ տեսնում ենք, որ այդ թը-
 ուիչքանման փոփոխութիւնը ծնունդի
 ժամանակ միայն Ֆունկցիաների
 (գործողութիւնների) մէջ է կատար-
 ւում: Իսկ օրգանները (գործարաննե-
 րը) շատ դանդաղ են զարգանում. և
 դրանց զարգացման որոշ աստիճա-
 նում է միայն հնարաւոր դառնում
 այն թռիչքը, որ մի հարւածով, մի-
 անգամից հարկադրում է դրանց գոր-
 ծել, իրենց Ֆունկցիաները կատարել
 եւ եթէ թռիչքը կամ ուտիւնը զար-
 գացման այն ստատիւսից վաղ է կա-
 տարւում՝ այդ դէպքում ոչ թէ օր-
 գան՝ րը սկսում են գործել, իրենց
 Ֆանկցիաները կատարել այլ դադարում
 ու գործելուց, և նոր էակը մեռնում
 է... Մոիւս կողմից էլ սաղմի օրգան-

ների զարգացման որոշ աստիճանից յետոյ ա խուսափելի է դառնում այդ յեղափոխական սկտը... Ապա ծնընդեան սկտը ոչ թէ մարդկային օրգանների զարգացման վախճանը, այլ մի նոր շրջանի սկիզբն է նշանակում. . Նոյն բանը մինք տեսնում ե ք նաև հասարակութեան մէջ: Այստեղ էլ յեղափոխութիւնները դանդաղ, աստիճանական զարգացման (էվոլյուցիայի) արդիւնքներ են: Այստեղ էլ դանդաղ են զարգա ում միայն հասարակական օրգանները, իսկ կտրուկ կերպով, մի հարւածով, յեղափոխականօրէն կարող են փոխել դրանց Ֆունկցիաները... — Ծիշո՞ այդպէս նաև սոցիալական յեղափոխութիւն չի նշանակում թէ դրանով վերջանում է սոցիալական էվոլյուցիան (զարգացումը), այլ այդ նշանակում է, որ հասարակութեան համար զարգացման նոր շրջան է սկսւում: Սոցիալիստական յեղափո-

խութիւնը «կարող է գործարանը կապիտալիստական մասնաւոր սեփականութիւնից համայնական սեփականութիւն դարձնել մէկ հարւածով», բայց կապիտալիստական ձեռնարկութիւնները իրենք իրրե հասարակական օրգաններ պէտք է աստիճանաբար զարգանան: (Նոյն տեղ, եր. 15, 16, 17...—):

Ահա այսպէս ենք մենք պատկերացնում սոցիալիստական յեղափոխութիւնը, հասարակական կապիտալիստակ ն բովանդակութեան սոցիալիստական ձեւ ու կազմակերպութիւն ընդունելը: 'Իրա համար որոշ սոցիալ-տնտեսական տրւեալներ ու հիմունքներ պէտք է լինին: Երբ սոցիալիզմի իրականացման համար այդ կապիտալիստական-տրնտեսական նախապայմանները կան, ապա սոցիալիստական յեղափոխութիւնը հնարատր է և պէտք է լինի:

Այժմ անցնենք այդ պայմանների քննութեան:

— Սոցիալիզմը աշխարհ է գալու հին կապիտալիստական կարգերի շորերով ու կապերով խանձարուրւած, ասել է Կ. Մարքսը: Կապիտալիզմի արզանդում սաղմնաւորւելով՝ դա զարգանալու է աստիճանաբար: Դա ստեղծւելու է հնից: Ուստի և իր զարգացման համար սոցիալիզմը պէտք է ունենայ որոշ սոցիալ-սնտեսական, կուլտուր--պատմական և հոգեբանական հիմունքներ: Առանց այդ տւեալների սոցիալիզմը առաջ գալ կամ սոցիալիստական յեղափոխութիւն լինել չէ կարող:

Ամենից առաջ պէտք է ենթադրել կապիտալիստական տնտեսական զարգացման որոշ աստիճան: Պէտք է աշխատանքը որոշ չափով բնկերային դարձած լինի, որպէսզի հնար լինի ընկերային սեփականութեան մասին մտածել: Ներկայ արդիւնագործութեան համայնական եղանակն է, որ հարկա-

դրում է նաև դրա համայնական սեփականութեան մասին մտածել: Կապիտալիստական համայնական արդիւնագործութիւնը ստեղծում է ապագայ սոցիալիստական անտեսութեան ոչ միայն սնօքսական, այլ և հոգեբարոյական հիմունքները: Արդի գործարաններն ու արհեստանոցներն ոչ միայն մարդկանց միասին համերաշխ աշխատել են սովորեցնում, այլ և մի նոր հաւաքական, ընկերային հոգեբանութիւն ու բարոյականութիւն են մշակում: Հաւասար ու միասին աշխատանքից բղխում է նաև միասին տիրելու կամ համայնական սեփականութեան ու հաւասարութեան գիտակցութիւնը: Ուրիշ խօսքով՝ անհասարակ (ինդիւիդուալիստական) կապիտալիզմը իր սոցիալ-տնտեսական պայմաններով սոցիալիստիկ է դաստիարակում:

Ընդունելով և շեշտելով սակայն, որ

կապիտալիզմը որոշ շափով սոցիալիս-
տական հասարակութեան հիմքերն
է դնում, սխալ է կարծել, որ դա
ինքնին արդէն, անխուսափելիօրէն
մեզ կտանի դէպի սոցիալիզմ: Այս
թիւր կարծիքը առաջ է եկել «կապի-
տալի կենտրոնացման» մասին մարք-
սիստական բացարձակ ու միակողմա-
նի տեսակէտից: Այժմ սակայն դի-
տութիւնը ժխտում է՝ թէ այդ և թէ
դրան յարակից այլ մարքսիստական
ք դաքսանտեսական տեսակէտների
բացարձակ ճշտութիւնը և ցոյց տա-
լիս, որ սոցիալիզմի տիրապետութիւնը
կապիտալիստական-սոցիալական տեսա-
կէտից ապահովւած չէ: Կապիտալիս-
տական տնտեսութեան որոշ շափով
հակասական ու ներհակ դրութիւ ը
բացարձակ անհրաժեշտութիւն չէ
դարձնում սոցիալիստական տնտեսու-
թիւնը:

Արդէն մարքսիստ քաղաքատնտե-

սագէտներն անգամ մերժում են «կապիտալի կենտրոնացման» տեսութեան բացարձակութիւնը: Նոյն իսկ ուղղափառ մարքսիստ Կ. Կաուտսկին յայտարարելով, որ այդ «հիմնական կէտում» նա իր հայեացքը փոխել է, որովհետև «մանր տնտեսութիւնները ոչ թէ ոչնչանում. այլ բազմանում են», ընդունում է, որ դրանք պէտք է իրենց գոյութիւնը պաշտպանեն նաև սոցիալիստական հասարակութեան մէջ (տես՝ «Էրֆուրտի ծրագրի» նախաբանը և «Սոց. յեղափոխութիւնը»..եր. 148):

Դրա հետ վերաքննւում է և այն մարքսիստական հայացքը՝ թէ կապիտալիստական տնտեսութիւնը միամբողջովին հակասական ու աններդաշնակ սոցիալական դրութիւն է և պէտք է ինքն իրեն, բնականօրէն խորտակւի: Հակառակ Մարքսի և Էնգելսի քրթնաջան գտական աշխատանքներին՝ նրանք չաջողեցին ապացուցել.

որ կապիտալիստական հասարակա-
կարգը ճնշեսապէս յարատեւել չի կա-
րող: Չարգացման որոշ աստիճանի վրայ,
նրանց կարծիքով, դա պէտք է մեռնէր
իր բնական մահով, որովհետեւ դա
աւելի է արտադրում քան տարածում—
սպառում: Ապրանքների զերտարտու-
թիւնն ու շուկաների պակասը պէտք է
ստեղծեն օրհասական տնտեսական
նզնաժամեր ու շահի տոկոսի անկումն:
Պարբերական ու խրոնիքական ճգնա-
ժամերը ու ժասպառումն մահացու հար-
ւածներ պէտք է հասցնեն յարաճուն
կապիտալին:

Կապիտալիստական տնտեսութիւնը
աւելի է արդիւնազործում՝ քան իր
հասարակութիւնը սպասել կարող է,
փաստաբանում է և կ. Կառուտսկին:
Առաջինը սահմաններ չի ճանաչում,
մինչդեռ սպառման թէ արտաքին և
թէ ներքին շուկաները սահմանափակ
են. — «Արդիւնազործութեան կապիտա-

լիտական եղանակը անհնարին կը-
դառնայ այն պատմական ըուպէից,
երբ վերջնականապէս կորուշի, որ
շուկան չէ կարող նոյն արագութեամբ
լայնանալ ինչպէս արդիւնագործու-
թիւնը, այսինքն երբ գերարտադրու-
թիւնը կըդառնայ խրոնիքական»:

Եւ բաւականապէս նաև քաղաքա-
տընտեսութեան մէջ ֆատալիստ մարք-
սիստին թուում էր՝ թէ մօտ է այդ
ժամը: Կապիտալիստական տնտեսու-
թեան այդ անբուժելի խրոնիքական
հիւանդութիւնը «ներկայ հասարակու-
թեան կենսունակութեան ծայր սս
տիճանն է»: Կապիտալիզմի զարգաց-
ման գերագոյն աստիճանը (?) դրա
մահուան ժամն է: Դրա զարգացման
բնական ընթացքը բնականօրէն ու
ճակատագրականօրէն տանում է դէպի
դրա խորտակումն, դէպի սոցիալիստա-
կան յեղափոխութիւն:

Սակայն այդ տեսակէտը միայն մի

քաղաքատնտեսական դոզմ է—մի «գիտական (!) հաւատ», որի համար ևս պէտք է ասել—երանի «սրտով սրբերին», պարզամիտ ու միամիտ հաւատացողներին, որովհետև նրանք կգտնեն տենչած սոցիալիստական «թագաւորութիւնը»: Իսկ գիտական մտքի սպասաւորների համար, նրանց, որոնց համար, գիտութիւնը և մասնաւորսպէս քաղաքատնտեսութիւնը Կ. Մարքսով չէ սկսւում ու... վերջանում՝ գիտութիւնը միշտ նոր խօսք ունի ասելու: Նրանց համար, ովքեր գիտութեան նկատմամբ իդեալից էլ չեն կաշառւում ու նախապաշարւում և գիտութիւնը յարմարեցնում իրենց իդէալներին (օր՝ Մարքսեան քաղաքատնտեսութիւնը, պատմափիլիսոփայութիւնը և այլն), —այդպիսիների համար գիտութեան ճանապարհը ոլոր-մոլոր է և ոչ այնպէս ուղղազիծ, որպէս մարքսիզմի մէջ: Իժբախտաբար ճիշտ է, որ

դէպի իդէալն ու ճշմարտութիւնը տա-
րող կարճ ճանապարհը ուղիղ գիծը չէ:

Մարքսիզմի ցոյց տւած ճանապար-
հը դէպի «ազատութեան թագաւորու-
թիւնը» որքան որ ուղղապիծ և որոշ
է՛նոյնքան և ատլարանցանելի է: Միայն
այդ ճանապարհով դէպի սոցիալիզմ
գնալ չի կարելի: Ապրանքների գեր-
արտադրութեան և շուկաների ու ճրգ
նաժամերի թէօրիաները նոյնպէս պէտք
է վերադնահատման ու վեր քննու-
թեան ենթարկեն՝ ինչպէս աշխատա-
վորձի «երկաթէ օրէնքի», «կապիտա-
լի կենտրոնացման», կատտստրոֆնե-
րի» և այլ թէօրիաները: Այդ բոլորը մի
րան անկասկած պէտք է դարձնեն, որ
սոցիալիզմի տիրապետութիւնը ապտ-
հովւած չէ նաև ճնշեսապէս, և մաս
նաւորապէս Մարքսեան քաղաքատըն-
տեսութեան օրէնքներով:

Մ. Տուղան-Բարանովսկին քննադա-
տելով «մարքսիզմի գլխաւոր տե-

սական հիմուքները» գտնուում է, որ
 կապիտալիստական տնտեսութիւնը
 այնպիսի «աններդաշնակ ու հակա-
 մարտ» տնտեսութիւններից չէ, որ
 խորտակւի ինքն իրեն, ներքին տա-
 րամերժ հակասութիւններից: Այդ հա-
 կասութիւններից մէկն է գերարտա-
 դրութիւնն ու նւազ սպառումն, բայց
 և այնպէս,—ասում է Տուզան-Բարա-
 նովսկի,—«կապիտալիստական տնտե-
 սութիւնը ենթակայ չէ խորտակման,
 եթէ անգամ ժողովրդական սպառումը
 բացարձակ մեծ չափով կրճատւի: Շու-
 կաների անբաւարար թւի պատճա-
 ռով արդիւնագործութեան կապիտա-
 լիստական եղանակի խորտակման ան-
 խուսափելիութիւնը,—որ ոչ միայն
 «ուղղափառների» այլ, ինչպէս երևում
 է, նաև մի քանի «րէվոլյուցիոնիստների»
 հաւատի խորհրդանիշն է—դատարկ
 ցնորք է: Ներկայ հասարակութեան
 կապիտալիստական կեղևը չի սպառ-

նում «պայթելու» նաև այնպիսի պայմաններում, որոնք, ըստ երևոյթին, կհակասեն տնտեսական բոլոր բնական պահանջներին»*)։ Նա ապացուցանում է, որ կապիտալիստական տնտեսութեան ամենաններգաշնակ ու հակասական երևոյթը -- նւազագոյն սպառումն ևս դրա խորտակման պատճառ չի դառնայ։ Կապիտալը կարող է արդիւնագործել «անվերջ, մինչև նիւթերի բնական աղբիւրների սպառումն»։ «Ապրանքների համեմատաբար նւազ պահանջը չի կարող դրանց արդիւնագործումը կրճատել և դրանով կապիտալիստական տնտեսակարգի խորտակումն առաջ բերել»։

Կապիտալիստական տնտեսակարգն, ուրեմն իբրև ինքնին աններդաշնակ ու

*) Мих. Туганъ-Барановскій: Теоретическія основы Марксизма. 3-е изд. С. П. Б. 1906 г. стр. 210, 213, 219, 222 և շարուն.:

հակամարտ տնտեսակարգ, որ ընտելանալի չունի արդիւնադործողների կարիքն ու սպառման չափը, չի խորտակի այն «անլուծելի (!) ներքին հակամութիւնից», որի վրայ իր ամամբողջ յօյսը դրել էր Կ. Մարքսը: Նախկին «հակամարտ» տնտեսակարգերի նման, որպէս ստրկական ու ճորատական, երբ արդիւնաբերողը տնտեսական օբեկտն էր միայն և ոչ նաև սուբեկտ, կապիտալիստական տնտեսակարգն ևս կարող է իր գոյութիւնը շարունակել — աւելացնելով հասարակական հարստութիւնը (ապրանքները): Բայց ոչ սպառումը: Իբրև էապէս «աններդաշնակ» տնտեսութիւն, հակառակ նախնական ընտանեկան, արհեստակցական և սոցիալիստական «ներդաշնակ» տնտեսակարգերի, կապիտալիզմը ծնելով հակամութիւններ՝ չի համարում ինքնաբացատրան: Ինքնահակամութիւնը տնտեսութեան մէջ ոչ

հոմանիշ ոչ էլ հաւասար է ինքնաբա-
ցասման: Այս է ահա Մարքսի ամե-
նամեծ սխալը, որ նա ցնցեստական օ-
րինաչափութիւնը շփոթել է քամա-
բանականի հետ: Կապիտալիստական
հասարակարգի մէջ որոշ հակասութիւն
կամ հակամարտութիւն աեսնելով՝ նա
տրամաբանական — դիալեկտիքական
մարզանքներով յանգել է դրա տրա-
մաբանական (անխուսափելի) բացաս-
ման: Սոցիալ-կուլտուրայէս վատը և
տնտեսայէս աններդաշնակն ու հակա-
սականը նրան տրամաբանօրէն անե-
րևակայելի, անհնարին են թւացել երե-
ւոյթների զարգացման որոշ աստի-
ճանոււմ:

Ահա թէ ինչո՞ւ այն՝ ինչ ըստ մարք-
սիզմի շատ «որոշ» ու պարզ է, մեզ
համար շատ անորոշ ու բարդ է: Նաև
տնտեսական տեսակէտից սոցիալիս-
տական յեղափոխութիւնը մի բնա-
անհրաժեշտ ու անխուսափելի երևոյթ

չէ: — «Կապիտալիստական տնտեսութիւնը չէ պարունակում իր մէջ այնպիսի մոմեօտներ (հանգամանքներ), որ նրա յետագայ զարգացումը տընտեսապէս անհնարին դարձնեն», գըրում է Տ.—Քարանոլսկին: Կապիտալիզմի մէջ մի հակասութիւն կայ, անշուշտ, որ «երկաթէ անհրաժեշտութեամբ պէտք է դրան բարձր ձևի փոխի»: Սակայն կապիտալիստական մոխիրից սոցիալիստական փենիքսի կենդանանալը չի կատարւի տնտեսական հակասութիւններից: Ո՛չ, դա կը կատարւի այն անլուծելի հակասութեան ու հակամարտութեան շնորհիւ, որ կայ մեր սնեսակարգի և մեր բարոյականութեան մէջ:

Կապիտալիզմը վատ է ոչ թէ ջրնսեսապէս, այլ կուլսուր-բարոյապէս *):

*) «Եթէ կապիտալիզմը միայն տնտեսապէս վատ լինէր՝ Մարքսը իր «Կապիտալը չէր գրի», ասում է Մա-

Գա մերժելի ու բացասելի է իբրև մի «աններդաշնակ» տնտեսակարգ, ուր մարդս «լակ միջոց» է և ոչ «նաև նպասակ կամ օբեկս է՝ և ոչ նաև սուբեկս, արտադրողն է և ոչ նաև վա-

րոշումներն ու որակումները գերազանցօրէն էթէքական են: Տես նաև մօտ ապագա ում լոյս տեսնելիք «Սոցիալիզմ և բարոյագիտութիւն» գրգոյկը Վ. Պորէնիի, ուր այս տեսակէտը մանրամասն պարզաբանուած է:

սարիկ: Որ Մարքսին ևս զե ավարել է սոցիալ էթէքական և կուլտուրական տեսակէտը—կասկածողները թող այս տեսակէտով կարդան «Կապիտալն» ու «Կոմմուն. Մանիֆեստը» և մասնաւորապէս առաջինի հետեւեալ երեսները, 1905 թ. ռուս. հրատ. I հատոր. 125, 129, 144, 149—150, 187, 222, 244, 262, 263—291, 310—314, 345—350, 369, 346—347, 670—671 և այլն: այստեղ բոլոր քաղաքատնտեսական ո-

յելողը: Կապիտալիզմի հիմնական հա-
կասութիւնը, որի համար պէտք է
հրան յեղափոխականօրէն բացասել,
այն է, որ արդիւնազործողը իր աշ-
խատանքի տէրը չէ, այլ դրա ստրու-
կը, որ աշխատաւորը բաժանւած է իր
աշխատանքից մինչդեռ «ներդաշնակ»
տնտեսութիւններէ մէջ, որպիսին
պէտք է լինի և սոցիալիստականը, աշ-
խատաւորը միացած է իր աշխատան-
քի հետ. նա ոչ միայն իր աշխատան-
քի արդիւնքի ստեղծողը, այլ և տէրն
ու վայելողն է: Սոցիալիզմը ձգտում
է միացնել աշխատաւորին իր աշխա-
տանքի հետ, ազատել մարդուն իր
ձեռքի ու մտքի արդիւնքների—ապ-
րանքների ստրկութիւնից (Կ. Մարքս)
և դարձնել նրան դրանց սուբեկտը.
— մի ինքնանպատակ արարած:

Հետևաբար կապիտալիստական
տնտեսակարգի բացասումն ու խոր-
տակումը մենք ոչ տնտեսական՝ ոչ

էլ տրամաբանական (!) գործողութիւն
ենք համարում: Ո՛չ: Դրա բացասու-
մը դերազանցօրէն կուլտուր- էթի-
քական հարց է: Դա բացասելի է, ո-
րովհետև ինքն արդէն ստեղծել է
այն միջոցները, մեքենաները, որով
դեռ ևս Արիստոտելի մարգարէացու-
մով անկարևոր ու անընդունելի է
դառնում մարդու ստրկութիւնը: Եւ
քանի որ կապիտալիստական կուլ-
տուրան ու տնտեսութիւնը իրենց
բարբարոս հետևանքներով (Կ. Մարքս)
միանգամայն ներհակում են ա-
զատութեան, արդարութեան և հա-
ւասարութեան մեր բարոյական սկզբ-
բունքներին, ուստի և դրանք պէտք
է մ ըժշեն, խորտակեն—յեղափոխեն:

Եւ պէտք է յեղափոխուեն ոչ թէ
«բնաանհրաժեշտօրէն», իրենք ի-
րենց — «կապիտալիստական արդիւ-
նագործութեան ներքին օրէնքների
խաղով»: Ո՛չ, այդպէս դրանք չեն

փոխւի: Կապիտալիստական հասարակակարգը պէտք է «բացասուի» յեղափոխականօրէն | դիտակից, գաղափարական ու ներգործօն մարդկանց մտքի, խղճի և կամքի թելադրութեամբ: Սոցիալիստական յեղափոխութիւն պէտք է կատարուի մեր բանական ու բարոյական կամեցողութեամբ և գործողութեամբ: Սոցիալիզմը ո՛չ տնտեսական (!), ո՛չ տրամաբանական (!), ոչ էլ բնական (!) անհրաժեշտութիւն է: Դա էապէս և գերազանցօրէն կուլտուր-եքիֆական եւ սոցիալ-յեղափոխական անհրաժեշտութիւն է: Սոցիալիզմը պէտք է գայ, «բայց մարդկութիւնը այդ նոր հասարակակարգը չի ստանալու իբրև տնտեսական ուժերի կոյր խաղի պարզև, ասում է Տուգան-Բարանուլսկի, — նա պէտք է այդ նոր կարգը գիտակցօրէն մտակէ և նւանէ: Կապիտալիզմը երբէք չի մեռնի բնական մահով. — դը-

բան մահացու հարեաձ կարելի է հաս-
ցնել միմիայն մարդու մեհով ու կամ-
եով: (Նոյն տեղ, եր. 227—229)

Սոցիալիստական յեղափոխութեան
անտեսական պայմանների քննութիւ-
նը ցոյց տուեց, որ թէև անտեսութեան
զարգացումը—կապիտալիզացիան ինք-
նին գեռես սոցիալիզմ չէ ստեղծում,
բայց դա անհրաժեշտ նախապայման-
ներից մէկն է հասարակական կեանքի
այդ մեծագոյն փոփոխութիւնը կա-
տարելու համար: Իրանով հերքում է
միանշանակաբար «կատաստրոֆների թէո-
րիան»՝ թէ սոցիալական յեղաշրջման
ամենալաւ միջոցը թշուառացած մաս-
սաների ըմբոստացումն է: Այսօր մի-
անշանակաբար անընդունելի է այն կար-
ծիքը՝ թէ սոցիալական քարենորո-
գումները վնասում են սոցիալիստա-
կան շարժման ու յեղափոխութեանը:
— «Ներքան վատ՝ տյնքան լաւ», ա սին-
քըն որքան մասսաները թշուառանան՝

այնքան պահանջկոտ, ըմբոստ ու յեղափոխական կլինեն—ողրերգական ու ճակատագրական տեսակէտը այսօր կորցրել է ամեն մի քաղաքական իմաստ: Այսօր անվիճելի և ընդունելի է այն հայեացքը, որ սոցիալիզմը մի ստեղծագործ, գիտակցական և կուլտուրական աշխատանք է և տարերային կամ կատաստրոֆային բնույթ կրել երբէք չէ կարող:

Ընդհակառակը, սոցիալիստական յեղափոխութեան համար պէտք է հաստատակութիւնը որոշ կուլտուրական զարգացման հասած լինի. նա պէտք է ունենայ—1. որոշ տնտեսական զարգացում և հարստութիւն (կապիտալիզացիա),—2. զարգացած սեխնիկա,—3. հասարակական-պետական սարք ու կարգ (մեխանիզմ),—4. որոշ բարեկեցութեամբ մեծաքանակ ու գիտակից—սոցիալիստօրէն դաստիարակւած—աշխատաւոր դասակարգեր, 5. սոցիա-

գոյութիւնը դրա համար: Առանց այս
օրեկտիւ պայմանների, առանց սոցիալ-
կուլտուրական դարգացած մեխանիզմի
աշխատաւոր սոցիալիստական դասա-
կարգերը իշխանութիւն ձեռք բերել
և բուրժուազիային փոխարինել — կու-
սուրա ստեղծել չեն կարող:

— «Սոցիալական յեղափոխութիւնը
ամենամեծ յեղաշրջումն է, որ երբ և է
տեսել է համաշխարհային պատմու-
թիւնը, — գրում է մարքսիստ Ն. Բոժ-
կով: Դա ամբողջ ժողովրդին մեծ բա-
րիքներ է խոստանում: Ուստի և զար-
մանալի չէ, որ կան անհամբեր մար-
դիկ, որ պատահում են տաք դլուխ-
ներ, որոնք պատրաստ են այժմ և եթ
այդ գլուխ բերելու *) : Կարելի է ըն-

*) Համեմատել բոլշևիկեան կառավա-
րութեան Ռուսաստանից «համաշխար-
հային սոցիալ(իստ ական յեղափոխու-
թիւն» սկսելու փորձի հետ. նոյ. 2-ին
Բոլշևիկ. կուսակցութեան Կենտր. Կո-
միտէի բանաձևը այդ մասին ասում

գունել, որ դրանք անկեղծ, ամբողջովին և ջերմ կերպով ժողովուրդին նը-
ւիրւած մարդիկ են, որ նրանք ազնիւ
սիրտունին: Բայց չի կարելի չընդու-
նել նաև, որ դրանց բանականութիւ-
նը թոյլ է գործում, որ դրանք կու-
րացած ազնիւ զգացմունքից՝ անըն-
դունակ են մտածելու և կշռադատելու,
որ սոցիալական յեղափոխութեան հա-
մար անհրաժեշտ տւեալները զեռ ևս

է... «Կ. Կոմ. պնդում է, որ հակառակ
բոլոր գծարութիւններին սոցիալիզմի
յադթանակը թէ Թուսաստանում և թէ
Եւրոպայում ապահովում է միայն
ներկայ կառավարութեան անշեղ քա-
ղաքականութեամբ: Կ. Կոմ. լիապէս
հաւատացած է այս սոցիալիստական
յեղափոխութեան յադթութեանը և կոչ
է անում բոլոր կասկածոտներին և
տատանւողներին թողնել տատանում-
ները և ամբողջ հոգով ու կամքով նե-
ցուկ լինել ներկայ կառավարութեա-
նը:»

չկան. արդիւնագործութեան կապիտա-
լիզացիան դեռ ևս չէ հասել այն աս-
տիճանին, որ ապահովէ սոցիալիստա-
կան հասարակութեան համար անհրա-
ժեշտ հոբսուլթիւնները բաւարար չա-
փով, իսկ կենտրոնացումն էլ այնչափ
չէ զարգացել, որ միացնէ և դիտակից
դարձնէ ողջ պրոլետարիատ դասա-
կարգին: Սոցիալական յեղափոխու-
թիւնը հնարաւոր է միայն այն ժամա-
նակ, երբ կլիներ հրաշալի մեքենաներ
եւ այլ արդիւնագործական միջոցներ,
որ հասարակութեանը կտան անթիւ ֆա-
նակութեամբ անհրաժեշտ ու օգտակար
իրեր, և երբ բանւոր դասակարգը կա-
տարեալ դիտակցութեան եկած և միա-
ցած կլինի: Իսկ քանի դեռ ոչ այս, ոչ
էլ այն պայմանը կայ՝ սոցիալական
յեղափոխութիւնը հնարաւոր չէ: Սո-
ցիալական յեղափոխութիւն անելու
վաղաժամ, չափազանց շտապ փորձը կը-
վերջանայ կատարեալ անաջողութեամբ,

պրոլետարիատի համար սոսկալի թըշ-
ւառութիւններով և կարող է միայն
երկար ժամանակով յետաձգել մեծ յե-
ղաշրջումը» *);

Ահա այն ընդհանուր տւեալները,
որոնց մէջ միայն սոցիալիզմի իրա-
կանացման մասին խօսք կարող է լի-
նել Այդպիսի մի անօրինակ կուլտուր-
պատմական յեղաշրջում անկարող է
կատարել մի երկիր, ուր պրոլետա-
րիատը շատ սակաւաթիւ է և գիւղա-
ցիութեան հետ անտեսական ու հո-
գեկան թշւառութեան մէջ է ապրո մ:
Թշւառութեան մէջ անասնացած ու
բթացած մասսաները մի այդպիսի
մեծ, հոյակապ կուլտուրական վերա-

*) Н. Рожковъ: Капитализмъ и
Социализмъ, 907 г., стр. 26—29.
Համեմատել՝ Эд. Бернштейнъ: Ус-
ловія возможности социализма...
С. П. Б. 1906 г. стр. 24, 34, 36,
45, 112, 117—119, 219,;

շինութեան անընդունակ կլինին: Ա. գ. պիսի մի բարդ, դիտակցական ու ստեղծագործ աշխատա քի համար պէտք է, որ նախ բարւոքէ աշխատաւորութեան ճիշտակամբ, պէտք է սոցիալական օրէնսդրութիւնն ու բարենորոգումները (ուժ ժամաւ, բանւորական օր, մինիմալ աշխատավարձ աշխատանքի ու կեանքի ապահովութիւն, հողի համը նացումն և այլն) մարդավայել կեանք ստեղծած լինեն աշխատաւորների համար: Դրա հետ պէտք է փոխել նաև աշխատաւորութեան հոգեբարոյական վիճակը. պէտք է զարգանան սոցիալական ու բարոյական զգացմունքները, սոցիալիստական մտայնութիւնը, . . . բարհետաւորական ու գիւղացիական արդիւնագործութիւնից ուղղակի սոցիալիզմի անցնելը անհնարին է ոչ միայն այդ տնտեսական ձեռնարկութիւնների նւազ արդիւնաւէտութեան, այլ և հոգեբանական յատկութիւնների բացակայութեան պատճառով» (Կ. Կառուտսկի):

Ուրեմն սոցիալիզմը հնարաւոր կլինի

որոշ կուլտուր-տնտեսական և հոգե-
բարոյական պայմաններում, երբ միայն
կարող է զարգանալ սոցիալօրէն ազ-
րող և սոցիալիստօրէն մտածող ու-
րոշ հասարակութիւն: Եւ սա ընդհա-
նուր հասարակութեան գլխաւոր մա-
սը պէտք է կազմի: Ուստի և դա մի-
միայն պրոլետարիատ գասակարգը կազ-
մել չէ կարող, որ նոյն իսկ ամենա-
զարգացած երկրներում հասար- ' ու-
թեան շնչին մասն է կազմում: Ամեն
կողմից արդէն անհիմն ու մերժելի
է այն տեսակէտը, որով յանուն քա-
բացած դողմերի և ի վնաս պրոլետա-
րիատի աշխատում են սոցիալիզմով
կենսապէս շահագրգիռ աշխատաւոր
գիւղացիութիւնը դուրս վտարել սո-
ցիալիստական շարժումից: ' Երանով
մարքսիստները ջլատում են պրոլե-
տարիատի ուժ ըը և վտանգում նրա
ազատագրութեան գործը: Մենք մի-
միայն՝ կամ «զուտ և անխառն» պրո-
լետարական սոցիալիզմ և սոցիալիս-
տական յեղափոխութիւն ոչ ընդու-
նում ենք, ոչ երեւակայում: Սոցիա-
լիզմը, և մանաւանդ սոցիալիստական

յեղափոխութիւնը, ընդհանուր առիա-
 օտաւորական, այսինքն նաեւ գիւղացիական
 ու մտաւորական լինելով միայն կա-
 րող է դրական կուլտուրական գործ
 դառնալ Սոցիալիզմի այս ամբողջա-
 կան ըմբռնողութիւնը միայն կարող
 է այդ մի հզօր, անընկճելի կուլտու-
 րական ոյժ դարձնել: Զուտ պրոլե-
 տարական սոցիալիզմը շատ է վտիտ,
 թերի ու անկարող: Ընդհակա աւեր,
 երբ յեղափոխական պրոլետարիատին
 միանայ բազմաթիւ աշխատաւոր գիւ-
 ղացիութիւ ը և քննադատօրէն մտա-
 ծող, աւելի գիտակից, գաղափարա-
 կան ու յեղափոխական մտաւորակա-
 նութիւնը՝ ապա ա դ դէպքում սոցիա-
 լիզմը կը կարողանայ նւաճել աշխար-
 հը և ամենամեծ կուլտուրական յե-
 ղափոխութիւնը կատարել:

Եւ վերջապէս սոցիալիզմը պէտք է
 իբրև մարդկային պատմութեան գե-
 րագոյն կուլտուր-բարոյական գաղա-
 փար համակէ և իր շուրջը համախըմ-
 բէ նաև բարձր գասակարգերի ազնը-
 ւասիրտ, բարոյական ու գաղափարա-
 կան անհատներին (կ. կառուտակի—

«էրֆուրաի ծրագիրը»): Սոցիալիզմը իբրև իրական հողից ծլած ու ծաղկած իդեալիզմ, իբրև մի նոր բարձր, ազատարար ու համամարդկային ուսմունք պէտք է տիրէ մարդկութեան լաւագոյն տարրերին: Այսպիսով՝ միայն սոցիալիզմը իբրև բոլոր կարգի ճնշւածներին ու շահագործւածներին ազատարար շարժում կտիրէ աշխարհին:

Ահա աս ընդհանուր կուլտուր-տընտեսական նախապայմաններում միայն կարող է աշխատանքային դիմել գէպի սոցիալիզմ: Այդ պայմաններում միայն նա կարող է ազատ ու նպատակայարմար կերպով գործածել իր միակ զէնքը — անողորք ու անարգել դասակարգային կռիւ մղել, որ սոցիալական բարենորոգումներով, տնտեսական ու նաև քաղաքական գործադուլներով հաստատէ նրա քաղաքական տիրապետութիւնը դիկտատուրան:

Բովանդակ աշխատանքային կարգի սիրապետութիւնը սոցիալատական յեղափոխութեան նախապայ-

ժանն՝ սւ գլխաւոր մոմենտն է լինելու: Իշխանութիւնն իր ձեռքը ձգելով գիտակից աշխատաւորութիւնը պէտք է վերջնականապէս և ամբողջովին ազատագրէ իրեն նաև տնտեսապէս: Նա պէտք է վերացնէ մասնաւոր սեփականութիւնը և համայնական սեփականութիւն հաստատէ— աշխատանքի հապիտակից ազատագրութեան վերջին ակտը պէտք է կատարէ:

Ուրեմն աշխատաւորութեան քաղաքական իշխանութեան գլուխ կանգնելը սոցիալական եղաշրջման ազդանշանն է լինելու: Նորմալ պայմաններում ծընունդի ու երկունքի այս վերջին ակտը անցաւ ու անարիւն պէտք է անցնի: Եթէ միայն իշխանութեան գլուխ անցնելը կատարւել է բնականաբար ու անհրաժեշտաբար, եթէ բոլոր սոցիալքաղաքական բզանները զարգացել են բաւականին*), ապա մնում է մի-

*) Իսկ երբ աշխատաւոր դասակարգը ժամանակից վաղ, իշեալ կուտուր-տնտեսական պայմաններից առաջ է իշխանութեան հասնում՝ ապա

այն վերջին օր՝ նադրական ակտերով
փոխել դրանց ֆունկցիաներն ու գոր-
ծողութեան ձևերը և անցնել սոցիա-
լիստական կեանքի: Արդէն իսկ սո-
ցիալօրէն գործող օրգանները կսկսեն

դա վերջանում է նրա պարտութեամբ,
ինչպէս օրինակ «Պարիզեան կոմմուն-
նան» և «Սովետների բոլշևիկեան իշ-
խանութիւնը»: Կապիտալիստական
կարգեր և պրոլետարիատի դիկտատու-
րա անյարիր և անհաշա բաներ են:
Քաղաքական իշխանութիւն և տնտե-
սական ստրկութիւն (կ. Մարքսի) հա-
կամարտ ու հակասական դրութիւն-
ներ են: Հակասութիւնից դուրս գա-
լու համար պրոլետարիատը պէտք է
«սոցիալիստական» քաղաքականութիւն
վա՛ր է, պէտք է վերացնէ իր տնտեսա-
կան ստրկութիւնը. իսկ դա նշանա-
կում է կտրել իր ոտի տակի ճիւղը,
երբ հասարակական կեանքը այդչափ
զարգացած չէ: Նման սոցիալիստական
«փորձեր»ը կատար ալ փորձանքներ
ու դժբախտութիւն են դառնում աշ-
խատաւոր դտասկարգերի համար:

սոցիալիստօրէն գործել:

Էսպէս և փաստօրէն համայնական արդիւնագործութիւնը կդառնայ համայնական սեփականութիւն: Այսպէս աստիճանարար ու օրգանապէս զարգացած, սոցիալիզմի համար տնտեսապէս ու հոգեբանօրէն — օրեկտիւ ու սուբեկտիւ կերպով — հասունացած հասարակութեան մէջ մասնաւոր սեփականութեան վերացումը լոկ մի յայտարարութեան և դեր ըի փոփոխութեան արժէք կու ենայ:

Ահա այս մոմենտն է, որ կոչուում է «սեփականազրկողներին սեփականազուրկ են անում», որի մէջ սոսկալի ոչինչ չի լինի Սոցիալիստական հասարակութիւնը այնքան ազնիւ ու զիտակի կլինի, որ նա զերծ կլինի ամեն աւելորդ, անտեղի խստութիւններից ու անարդարութիւններից: Ընդհակառակը, մենք վստահ ենք, որ օրեկտիւ ու սուբեկտիւ կերպով զարգացած և սոցիալիստօրէն դաստիարակւած աշխատատեղութիւնը տոպրւած կլինի արդարութեան, հաւասարութեան և եղարութեան վսեմ դաս-


զափարներով:

Սոցիալիզմի գաղափարի կուլտուրական արժէքն ու բարոյակա՝ մեծութիւնը նրա մէջ է, որ դա որի է դասակարգի տիրապետութեան, ուրեմն նաև նեղ դասակարգային բարոյակա նութեան ու իղէալ՝ երի չէ ձգտում: Դա սոսկ դասակարգային կոի՝ չէ որևէ դասակարգի դէմ. աշխատաւոր դասակարգերին դասակարգային կռիւր առհասարակ դասակարգայնութեան դէմ է: Դրանք ձգտում են վերացնել դասակարգային տնտեսական տիրապետութեան հետ նաև դասակարգային մօրայն ու հոգեբանութիւնը և հաստատել ընդհանուր մարդկային բարոյականութիւն, ատարեալ արդարութիւն և իրաւունք:

Ուստի և ոչ մի հիմք կայ սոցիալիստական հասարակութեանը մեղադրել նեղ դասակարգային շահերի ու ձգտումների մէջ: Եւ այն հասարակութիւնը կլինի, որ հիմնւած կ ինիկատարեալ Արդարութեան ու Ճշմարտութեան և իրական Հաւասարութեան ու Եղբայրութեան վրայ: Այդտեղ յարգ-

ւած կլինի ամեն մէկի իրաւունքը և
ապահովւած իւրաքանչիւրի աշխա-
տանքը: Բնականաբար այդ արդարա-
դատ հասարակութիւնը չէ կարող ան-
արդար ու անիրաւ վարել նաև կա-
պիտալիստական կարգերում ա լասեր-
ւած և աշխատ նքի համար անպէտ-
քացած դժբախտների հետ: Քանի որ
սոցիալիստական յեղափոխութիւնը կա-
տարեալ ադատութիւն և երջանկութիւն
է բերելու բոլոր կարգի դժբախտնե-
րին ու տանջւածներին, ապա դրանից
վախենալու ոչ մի հիմք ունեն նաև
այդ կարգի դժբախտները:

Ահա թէ ինչպէս է ք մենք հասկա-
նում սոցիալիստական յեղափոխու-
թիւնը — համաշխարհային պատմու-
թեան այս ամենամեծ ու անօրինակ
յեղաշրջումը, որ մի նոր կուլտուրա-
կան դարեշրջան պէտք է լինի ամ-
բողջ մարդկութեան համար:



ՀՈՅՍ ԵՆ ՏԵՍԵԼ «Աշխատատար»-ի գրա-
դարանի գրքոյկները.

1. Ե Բրեճիօ. Բրեճիովսկայա. — Ինչ-
պէտք է անել Հիմնադ. Ժող. 5 կ.
2. Ն. Ա. Րուբակիին: — Հողի սեփական-
նութիւնը և համայնական սեփա-
կանութիւնը 10 կոպ.
3. Վ. Խոբեցի. — Ինչ է սոցիալիզմը.
գիշնն 15 կոպ.
4. Ժ. Ժարեա. — Խաղաղութեան գաղա-
փարը. գիշնն է 10 կոպ.
5. Մեր ծրագիրը — Հայ Յ. Դաւենակ-
ցութեան ծրագրի պարզ բացա-
սրութիւնը) — գիշնն է 20 կ.
6. Կարեղիւկ. — Նոր լերան քարոզը,
Թարգ. Տ. Յ. 10 կ.
7. Վիլհելմ Լիբկնեխտ. — Սարգերը և
ճանճերը, գիշնն է 10 կ.
8. Լիբին. — Ինչ է Հիմնադիր ժաղովը
Ռուս. Թարգ. օր. Լ. Յարութիւն-
նեան գիշնն է 10 կոպ.

9. Կ. Խորենի.—ՅՐՐԻ ԼՆՆՅԱԿՆ ՎԷՄՔ
է Լինի սոցիալիստական յեղափոխու-
թիւնը. գինն է 50 կ.:

10. Պ. Իսկուելի.—Աշխատատեղերի
միջազգային միութիւնը (Ռուսերէնից
փոխադրեց Ռուսոն. գինն է 20 կ.:

ԳԻՆՆ Է 50 ԿՈՊ.

Իրմել՝ Тифлисъ, редакция «Ашхата-
воръ», Гановская ул. № 3.

